

Mak ndê ηawaê ηayham Yom whê ηawaê ηayham dindec sa-ηga

Mak in̄ Yisu ndê ηgacsêηomi 12 si dan̄ dom, magoc in̄ tiatu yêc Jerusalem ma gêlic gêη hon̄ nan̄ Yisu kôm têt̄η ndoc dinaη. Tin̄ambu Mak kêsêlêη whin̄ Pita têt̄η ndoc Pita gêm mêtê, ma to ηawaê ηayham pi Yisu kékuc mêtê nan̄ Pita gêm. Lau ηatô gauc gêm bu yom nan̄ Mak to yêc 14:51-52 nan̄ hêganôη in̄ dau. Tin̄ambu in̄ gêm Pol lu Banabas sa tu in̄lu si gwelen-ηga. Alic yom ηatô pi in̄ yêc Apo 12:12, 25; 13:5, 13; 15:36-39, ma yêc Kol 4:10 ma 2 Tim 4:11.

Mak to yom daêsam pi gwelen̄ nan̄ Yisu kôm, magoc yom daêsam nan̄ Yisu sôm tu bu êndôhôn̄ lau-ηga, nan̄ in̄ to dom.

*Jon kêmasaη Yisu ndê sen̄
(Mat 3:1-12; Luk 3:2-16)*

¹ Yom dindec gic hu ηawaê ηayham pi Anötö ndê Atu Yisu Kilisi.

² Mun̄-ηga, propet dan̄ to yom nan̄ Anötö sôm têt̄η in̄ ndê Atu bocdec bu:

Aö wakêη aneη ηgac aheη-ηga mun̄ am. In̄ oc êmasaη am nem sen̄. *[Mal 3:1]*

Ma propet Aisaya to Anötö ndê yom pi ηgac aheη-ηga dau bocdec bu:

³ N̄amalac daŋ ta yom mbo gameŋ sawa bocdec bu, ‘Amasaŋ Pômdau ndê seŋ tisolop. Amasaŋ nem ŋalôm bu akôc iŋ sa.’ *[Ais 40:3]*

⁴ Yom dau ŋandô sa pi Jon, N̄gac Kêku Lau-ŋga, naŋ tiŋambu hôc asê ma gêm mêtê mbo gameŋ sawa. Iŋ sôm têŋ lau bu sêliŋ saŋgu tu bu sêtôc asê bu sêkac si ŋalôm kwi ma sêhu mêtê sac siŋ, dec Anötö oc suc ŋac si sac kwi. ⁵ Lau daêsam akêŋ malac Jerusalem, ma akêŋ malac hoŋ yêc gameŋ Judia-ŋga, sêsa sêtêŋ Jon si. N̄ac sêhoc si sac asê, ma iŋ kêku ŋac yêc Bu Jordan.

⁶ Jon sôc ŋakwê naŋ sêmasaŋ ŋa kamel ŋamlichlu, ma kic piŋkap yêc iŋ ŋampêbalê. Ma iŋ gêŋ gêŋ bambaliŋ gitôm wakô ma lêp. ⁷ Iŋ gêm mêtê ma sôm têŋ lau bocdec bu, “N̄gac daŋ oc meŋ êŋkuc aö, naŋ ndê ŋaclai hôc gêlêc aö neŋ su. Aö ŋgac ŋambwa dec gitôm dom bu wati iŋ ndê ŋgac akiŋ naŋ pôn sic ma kêgapwêc iŋ ndê atapa ŋawalô. ⁸ Aö kaku mac ŋa bu ŋambwa, tigeŋ iŋ oc êŋku mac ŋa N̄alau Dabuŋ.”

Jon kêku Yisu

(Mat 3:13-17; Luk 3:21-22; Jon 1:32-34)

⁹ Têŋ têm dinaŋ Yisu meŋ akêŋ malac Nasaret yêc gameŋ Galili-ŋga, ma hôc asê Jon. Ma Jon kêku iŋ yêc Bu Jordan. ¹⁰ Têŋ ndoc Yisu pi akêŋ bu meŋ, iŋ gêlic undambê kac sa, ma N̄alau Dabuŋ gêm balusi aŋgô, ma sip têŋ iŋ meŋ. ¹¹ Goc awha daŋ sa akêŋ undambê, naŋ sôm, “Aö Atuŋgac atac whiŋ-ŋga am. Aö gatisambuc am ŋandô.”

Sadaŋ kêsahê Yisu

(Mat 4:1-11; Luk 4:1-13)

¹² Dinaŋ su, goc N̄alau wê Yisu sa gameŋ sawa gi, ma iŋ mbo tawasê. ¹³ Tôm bêc 40 iŋ mbo gameŋ

sawa, ma Sadan kêsahê bu êntôm in. In mbo whin bôc gameŋ sawa-ŋga, ma aŋela sem akiŋ in.

Yisu gic hu in ndê gwelen

¹⁴ Tinambu †Herod kêkiŋ in ndê lau siŋ-ŋga bu sêkôc Jon dôŋ, ma sêkêŋ in ndöc gapocwalô. Têŋ têtêm dinaŋ Yisu gêm mêtê ma hoc Anötö ndê ŋawaê ŋayham asê têtê lau yêc gameŋ Galili-ŋga. ¹⁵ In sôm, “Têtêm naŋ Anötö kêyaliŋ sa, naŋ meŋ sa su. †Anötö ndê gôliŋ meŋ kêpiŋ su. Bocdinaŋ anem nem ŋalôm kwi, ma akêŋ whin Anötö ndê ŋawaê ŋayham.”

Yisu mbwêc laungac hale tu sêŋkuc in-ŋga
(*Mat 4:18-22; Luk 5:1-11; Jon 1:35-42*)

¹⁶ Têtê bêtêc dan Yisu kêsêlêŋ mbo Bugicton Galili ŋamakê, ma gêlic Saimon lu asi Andru. Inlu ŋac lu sêkôc i-ŋga, ma sem gwelen sêkêŋ wasaŋ sip bu sêmbo. ¹⁷ Ma Yisu sôm têtê inlu, “Amlu amêŋ aŋkuc aö, ma aö wakêŋ amlu ahê ŋamalac sêmeŋ sêŋkuc aö, têtêm naŋ kwahic dec amlu ahê i.” ¹⁸ Ma ŋagahô inlu sêtêc si wasaŋ yêc, ma sêŋkuc in.

¹⁹ In kêsêlêŋ ŋasawa sauŋ, ma gêlic Sebedi ndê atu lu, Jems lu Jon. Sêndöc waŋ dan ma sêmasaŋ si wasaŋ naŋ kic. ²⁰ Yisu mbwêc inlu bu sêmeŋ sêŋkuc in, goc sêhu damba Sebedi ti lau naŋ sêkôm gwelen sêwhin in, naŋ siŋ sêmbo waŋ, ma sêŋkuc Yisu.

Yisu kêdôhôn lau ma soc ŋalau sac yêc malac Kapenaom
(*Luk 4:31-37*)

²¹ Yisu kôc lau hale dinaŋ ma sêŋsêlêŋ sêtêŋ malac Kapenaom si. Sêhôtê asê têtê bêtê Sabat-ŋga dan, ma Yisu sôtê †lôm wê-ŋga gi, ma gic hu kêdôhôn

lau. ²² Ma lau Kapenaom-nga sêhêdaê tu in ndê yom-nga, bu in kêdôhôn ñac gitôm kêdôhônwaga ti ñac lai atu, hóc gêlêc lau Israel si ñkêdôhônwaga yomsu-nga hon su.

²³ Ngac dan ndöc lôm wê-nga dinañ, nan ñalau sac mbo in ndê ñalôm. In ta yom bocdec bu, ²⁴“Ei! Yisu Nasaret-nga. Aö kayalê am, am ngac dabun nan Anötö kêkin. Am bu kôm sake têt yac? Am mwen bu señ yac su, a?” ²⁵ Magoc Yisu hec yom ñalau sac ma sôm, “Am mamañ ma hu in sin!” ²⁶ Goc ñalau sac kêmwananñ ngac dau ti ñanña ma hu in sin ti mbwêc atu.

²⁷ Tu dinañ-nga lau hon sêhêdaê ma sêndac dandi, “Gêñ bocke dec? In kêdôhôn yac ña lêt wakuc ma ti ñac lai atu. Ma in kôc ñac lai pi ñalau sac whin, bu in kêñ yatu ñac, ma sêsôc in ndê yom ñapu.” ²⁸ Ma tinambu lau sic min yom pi gêñ dau, e ñagahô en in ndê waê gêm gameñ Galili-nga hon ahuc.

*Yisu gêm lau gêm bac daêsam sa
(Mat 8:14-17; Luk 4:38-43)*

²⁹ Ñac sêhu lôm wê-nga dinañ sin, ma Saimon lu Andru sêkôc Yisu, Jems ma Jon ma sêtêt in lu si andu si. ³⁰ Saimon ndê lawawê gêm bac lic ñandê ma yêc andu dau ñalôm, ma lau sêkên ñawaê têt Yisu. ³¹ Bocdinañ Yisu têt in gi, kêm in sip amba ma keñ in sa. Ma gêm bac hu awê dau sin, ma in gêm akin ñac.

³² Têt telha dinañ têt ndoc ac gi sip, nan lau malac-nga sêhon lau gêm bac daêsam ti lau nan ñalau

sac sêmbô si ñalôm, ma sêkôc ñac sêtêñ Yisu sêmenj.*
³³ Lau malac-nga honj sêkac dau sa, sêmbô andu dau ñamakê. ³⁴ Ma Yisu gêm lau ti gêmbac tidau-tidau daêsam dinañ sa, ma soc ñalau sac daêsam su yêc lau. Tigenj inj kêñ yao ñalau sac bu sêsôm inj asê dom, ñahu bu ñac sêñyalê bu inj †Mesaya dau.

Yisu hu malac Kapenaom sinj
(Luk 4:42-44)

³⁵ Têñ ñagalañsê ac pi menj su dom ma Yisu tisa ma hu malac dau sinj. Inj sa gi bu mbo tawasê ma tenj mbec. ³⁶ Saimon ma lau ñatô nañ sêwhinj inj, nañ sêsa si bu sêñsalê inj. ³⁷ Ma têtñ ndoc sêtap inj sa, nañ sêsôm têtñ inj bu, “Lau honj sêñsalê am.”
³⁸ Magoc Yisu ô yom ma sôm, “Aô oc wambo malac tigenj dinañ dom. Dalhö datêñ malac nañ sêyêc gameñ ñamakê-nga dandi, bu wanem mêtê wambo dinañ. Tu gwelenj dinañ-nga dec aô gameñ.”

³⁹ Ma tiñambu inj kêsêlêñ golom-golom malac honj yêc gameñ Galili-nga. Inj gêm mêtê mbo lau si lôm wê-nga, ma soc ñalau sac daêsam su yêc lau.

Yisu kôm ñgac ti gêmbac leprasi ñayham sa
(Mat 8:1-4; Luk 5:12-16)

⁴⁰ Têñ bêc dañ, ñgac ti gêmbac †leprasi dañ têtñ Yisu gi. Inj pônj haduc ma tenj Yisu bu nem inj sa. Inj sôm, “Am bu tac whinj, dec gitôm bu am oc kôm aô ñamlic ñawasi sa.” ⁴¹ Yisu tawalô inj, dec kêmatôc amba sa gi ma kêmasec inj, ma sôm, “Aô

* **1:32:** Lau Israel si yomsu Sabat-nga gic yao lau bu sêñsêlêñ senj baliñ me sêkôm gwelenj têtñ bêc Sabat-nga dom. Magoc bêc Sabat-nga ña-yao pacndê têtñ ndoc ac gi sip. Tu dinañ-nga dec lau sêhônj e ac gi sip su, goc sêkôc si lau gêmbac sêtêñ Yisu si.

atac whin, dec wasôm têtj am bu ñamlic ñawasi sa.”
⁴² Ma ñagahô eñ gêm bac dau hu in siñ, ma in ndê ñamlic ñawasi sa. ⁴³⁻⁴⁴ Goc Yisu kêkin in têtj †dabuñsiga gi, ma sôm ti ñanğa têtj in, “Am ñgô! Gêñ nan kwahic dec hôt asê am, nan sôm asê têtj lau dan dom. Tigen têtj dabuñsiga ndi, ma tôc daôm têtj in bu lic bu am nem ñamlic ñawasi sa su. Ma kêñ da tu am ñamlic ñawasi sa-nga tôm yomsu nan Moses kêñ têtj yac. Ma ñalêñ dinan lau hon oc sênjalê bu am ñamlic ñayham sa.” ⁴⁵ Ma ñgac dau sa gi ma gic min pi gêñ dau e yom dau tiapa. Tu dinan-nga lau hon takwê Yisu, dec in tec bu sôt malac dan yêc lhu. In mbo gameñ ñamakê-nga, magoc lau akêñ gameñ hon sêwê sêtêñ in si ñapan.

2

*Yisu kôm ñgac bôlin dan ñayham sa
 (Mat 9:1-8; Luk 5:18-26)*

¹ Bêc ñatô ginga su, goc Yisu sôt malac Kape-naom tiyham. Ma lau malac-nga sênğô ñawaê bu in mbu meñ ndôc andu dan. ² Goc lau daêsam sêkac dau sa, ma Yisu gêm mêtê ñac. Lau daêsam andô sêkac sa e ñasawa mba yêc andu ñalôm ma yêc ñasactô bocdinañ. ³ Ma launğac hale sêmbalañ ñgac bôlin dan yêc sac dan sêmeñ, ma bu sêtêñ Yisu sêndi. ⁴ Magoc lau daêsam dinan sem gameñ ahuc, ma tu dinan-nga dec ñac sêpi andu ñapoc lôlôt si, ma sêkac poc sa ma sêmasañ ñalasê dan yêc gameñ nan Yisu kalhac, nan ñahô-nga. Goc sênwhañ sac ti ñgac bôlin sip têtj Yisu gi. ⁵ Yisu gêlic gêñ dinan ma kêyalê bu ñac sêkêñ whin in, goc sôm têtj ñgac

bôlin, “Aneŋ balê, kwahic dec aö wasuc am nem sac kwi.”

⁶ Têŋ ndoc dinan̄ kêdôhôn̄waga yomsu-ŋga ŋatô sêndöc andu dau. Sêŋgô Yisu ndê yom dau, ma gauc gêm yêc ŋac si ŋalôm, ⁷ “Anötö tigen̄ gitôm bu suc sac kwi. Ma bocke ŋac dindê sôm yom kain̄ dinan̄? In̄ ndê yom sac sambuc.” ⁸ Yisu kêyalê ŋagahô bu ŋac gauc gêm yom bocdinan̄, dec in̄ sôm têŋ ŋac, “Tu sake-ŋga mac gauc gêm yom bocdinan̄? ⁹ Mac akêŋ whin̄ dom bu aneŋ ŋaclai yêc bu wasôm têŋ ŋac bôlin̄ dindec bu wasuc in̄ ndê sac kwi. Bocdinan̄ aö wasôm têŋ in̄, ‘Tisa, kôc nem mbô sa ma êmsêlên̄.’ ¹⁰ Ma têŋ têm mac alic aneŋ yom dau ŋandô sa, dec aŋyalê bu Anötö kêŋ ŋaclai têŋ †Ŋamalac ndê Atu yêc nom, bu suc ŋamalac si sac kwi whin̄.” Goc Yisu sôm têŋ ŋac bôlin̄, ¹¹ “Aö wasôm têŋ am bu tisa, kôc nem mbô sa, ma lhô têŋ nem andu ndi.” ¹² Ma ŋac dau tisa yêc lau hoŋ aŋgô-ŋga, kôc ndê mbô sa ma kôlhô gi. Gêŋ dau kôm lau hoŋ sêhêdaê ŋandô. Sêmpin̄ Anötö ma sêsôm, “Gêŋ kain̄ dindec, yac alic dan̄ su dom.”

*Yisu kêgalêm Liwai bu êŋkuc in̄
(Mat 9:9-13; Luk 5:27-32)*

¹³ Tiŋambu Yisu sa gi mbo bugicton̄ ŋamakê tiyham. Lau daêsam sêsa si sêŋkuc in̄, ma in̄ kêdôhôn̄ ŋac. ¹⁴ Ma tiŋambu in̄ kêsêlên̄ gi e gêlic †Liwai, Alpayas ndê atuŋgac ndöc ndê mala kôc takis-ŋga. Goc Yisu sôm têŋ in̄, “Êmkuc aö.” Ma Liwai tisa ma kêkuc in̄.

¹⁵ Têŋ bêc dan̄ Yisu ti in̄ ndê ŋgacsêŋomi seŋ gêŋ sêndöc Liwai ndê andu. Ma lau sêkôc takis-ŋga ma lau daêsam nan̄ lau bata Israel-ŋga sêsam bu lau sac

naŋ sêndöc sêwhiŋ ŋac, bu lau kainŋ dinaŋ sêŋkuc Yisu tòm bêc hon. ¹⁶ Ma lau †Palêsai si kêdôhônwaga yomsu-ŋga ŋatô sêlic bu Yisu gêŋ gêŋ ndöc whiŋ lau takis-ŋga ti lau sac dinaŋ. Goc sêsôm têŋ iŋ ndê ŋac-sêŋomi, “Tu sake-ŋga iŋ gêŋ gêŋ whiŋ lau takis-ŋga ti lau sac?” ¹⁷ Yisu ŋgô yom dau, ma sôm têŋ ŋac, “Lau naŋ sêlic dau bu gêmbac mba, naŋ oc sêŋsalê dokta dom, magoc lau ti gêmbac oc sêŋsalê dokta. Aö gameŋ bu waŋgalêm lau naŋ sêlic dau bu lau gitêŋ, naŋ sa dom, aö gameŋ bu waŋgalêm lau sac sa.”

Yao gêŋ danen-ŋga-ŋga
(*Mat 9:14-15; Luk 5:33-35*)

¹⁸ Jon, Ngac Kêku Lau-ŋga ndê †sêŋomi ti lau Palêsai sêkêŋ bêc ŋatô bu sêneŋ gêŋ dom tu gauc nem Anötö-ŋga, magoc Yisu ndê ŋgacsêŋomi sêkôm dom. Ma lau ŋatô sêmeŋ ma sêndac Yisu bocdec bu, “Tu sake-ŋga Jon ndê sêŋomi ma lau Palêsai si sêŋomi sêhu gêŋ danen-ŋga siŋ tu gauc nem Anötö-ŋga, magoc am nem ŋgacsêŋomi sêkôm dom?” ¹⁹ Goc Yisu sôm têŋ ŋac, “Ngac nem awê-ŋga danŋ bu êŋgalêm lau sa sêmba sêwhiŋ iŋ bu sêneŋ mwasinŋ nem awê-ŋga, dec oc tòm dom bu sêhu gêŋ danen-ŋga siŋ têŋ ndoc ŋac dau mbo whiŋ ŋac. Nalêŋ tigenŋ kwahic dec aö gambo gawhiŋ anenŋ ŋgacsêŋomi ma oc tòm dom bu sêhu gêŋ danen-ŋga siŋ. ²⁰ Tigenŋ ndoc oc meŋ naŋ lau oc sêkôc aö su yêc ŋac, ma têŋ ndoc dinaŋ ŋac oc ŋalôm ŋawapac, ma sêŋkuc lêŋ dahu gêŋ danen-ŋga siŋ-ŋga.”

Yisu ndê yom gitôm gêŋ wakuc
(*Mat 9:16-17; Luk 5:36-39*)

21 Ma Yisu sôm, “Yac dasi po wakuc pi ñakwê akwa nañ kic, nañ dom. Bu po wakuc oc hôc ñakwê akwa kic, ma gêñ dau oc tisac sambuc. 22 Ma têtñ ndoc lau s êmasañ wain wakuc, nañ sêkêc sip bôc ñamlic wain-nga akwa dom. Mba! Ñac bu sêkôm, goc wain wakuc oc hôc ñamlic akwa kôc ma wê sa niñga. Ma bôc ñamlic oc tisac bocdinañ. Wain wakuc dakêc sip bôc ñamlic wakuc.”

*Yisu in Pômdau bêc Sabat-nga
(Mat 12:1-8; Luk 6:1-5)*

23 Têtñ bêc Sabat-nga dañ Yisu ti ndê †ngacsêñomi sêñsêlêñ sêmbo lôcwaha dañ nañ gic ôm wit-nga dañ kic. Ma in ndê ngacsêñomi sêkôc wit ñandô ñatô bu sêneñ. 24 Ma lau Palêsai ñatô sêlic gêñ dau ma sêsôm têtñ in, “Lic gêñ nañ am nem ngacsêñomi sêkôm. Tu sake-nga ñac sêkôm gwelen nañ yac neñ yomsu gic yao bu dakôm têtñ bêc Sabat-nga dom?” 25-26 Yisu ô ñac si yom ma sôm, “Gauc nem yom nañ sêto pi gêñ nañ Kiñ Dawid kôm. Mac asam su, me? Têtñ ndoc nañ Abiata in †dabuñsiga ñamata-nga, nañ Dawid ti lau nañ sêwhiñ in, nañ sêpônnda dau ma gêñ yô ñac. Goc Dawid sôc Anötö ndê andu gi, ma gêñ bolom dabuñ nañ lau sêkêñ ti da, nañ Moses kên yao bu lau dabuñsiga tawasê oc sêneñ. Ma in kên têtñ lau nañ sêmbo sêwhiñ in, ma ñac sen. Magoc lau dañ sêngôliñ yom pi Dawid ma sêsôm bu in kêgili yomsu lec dom.”

27 Ma Yisu gic têtñ yom ma sôm, “Bocdinañ akôc gauc ñapep pi yomsu. Anötö kên bêc Sabat-nga bu nem ñamalac sa. In kên ñamalac tu bêc Sabat-nga dom. 28 Ñamalac ndê Atu in gêñ honñ ñadau, ma in Pômdau Sabat-nga whiñ.”

3

Yisu kôm ngac amba balê nayham sa têtj bêc Sabat-nga

(Mat 12:9-14; Luk 6:6-11)

¹ Têtj bêc danj tiyham Yisu sôc lôm wê-nga gi. Ma ngac amba tibalê danj ndöc. ² Palêsai natô sênsalê yom bu sêngôlinj pi Yisu, dec sêtip inj napep bu mboe inj oc kôm ngac dau nayham sa têtj bêc Sabat-nga, dec njac oc sêsôm bu inj kêgili yomsu Sabat-nga. ³ Yisu sôm têtj ngac nanj amba tibalê, “Tisa, ma lhac njalhu whinj aô.” ⁴ Dec inj ndac lau honj bocdec bu, “Gênj bocke oc êngili yomsu Sabat-nga? Dakôm nayham têtj lau, me dakôm sac têtj lau? Danem njamalac sa, me datec njac sêmbac ndu?” Magoc njac honj sem dôj. ⁵ Inj tahê njac ma tac njandê sa, ma njalôm njawapac tu njac si njalôm njadandi-nga. Goc inj sôm têtj ngac dau, “Êmatôc amam.” Ma njac dau kêmatôc amba, ma amba dau nayham sa tiyham.

⁶ Têtj dinanj lau Palêsai sêhu lôm wê-nga dau sinj ma sêsa si. Ma njac sêndöc sêwhinj lau Israel-nga nanj tac whinj Herod ma lau Rom-nga si gôlinj, ma njac honj sêkôc gauc pi lênj sêndic Yisu ndu-nga.

Yisu kêdôhônj lau ma kôm gêmbac nayham sa
(Luk 6:17-19)

⁷ Yisu ti ndê njgacsênomi sêtênj bugictonj si, ma lau daêsam sênkuc njac. Njac lau akênj gamej Galili-nga ma gamej Judia-nga, ⁸ ma akênj malac Jerusalem ma akênj gamej Judia ma Idumia-nga ma akênj Bu Jordan njadanga, ma akênj malac Taya ma Saidon njagamej. Lau daêsam dinanj sêngô njawaê pi gênj nanj Yisu kôm, dec sêsa sêtênj inj si.

⁹ Yisu gêlic lau tonj atu nanj bu sêngapiņ in sa, dec sôm têtj ndê ngacsêņomi bu sêmasañ wanj sauj danj tu inj pi ndi ndöc-ņga. ¹⁰ Inj sôm yom dinanj űahu bu inj kôm lau gêm̄bac daêsam űayham sa su e lau daêsam ti gêm̄bac sêkôm mwasac bu sêmasec inj. ¹¹ Ma têtj ndoc lau ti űalau sac sêlic inj, nanj sêhu dau sêyêc inj anjô-ņga, ma űalau dau sêmbwêc yom asê bocdec bu, “Am Anötö ndê Atu.” ¹² Tigenj Yisu kêtj gic yao űanġa bu sêsôm inj űahu asê dom.

*Yisu kêtjalinj űgacsêņomi 12 sa
(Mat 10:1-4; Luk 6:12-16)*

¹³ Tinjambu Yisu pi lôc danj gi ma mbwêc lau nanj inj atac whiņ, nanj sêtêtj inj sêmenj. ¹⁴ Goc inj kêtjalinj űac si lau 12 sa, ma sam űac bu †Aposel, bu űac oc sêmbo sêwhiņ inj, ma inj oc kêtj űac sêsa sêndi bu sênem mêtê. ¹⁵ Ma inj kêtj űaclai têtj űac bu sêsoc űalau sac su. ¹⁶ Aposel 12 nanj Yisu kêtjalinj űac sa, nanj bocdec: Saimon (nanj inj sam bu Pita), ¹⁷ Jems lu Jon (Sebedi ndê atu lu nanj Yisu sam bu ‘wapap atui’), ¹⁸ Andru, Pilip, Batolomeas, Matyu, Tomas, Jems (Alpayas ndê atu), Tadaus, Saimon (nanj sêsam bu ‘űgac †Selot’), ¹⁹ ma Judas Iskeriot, űgac nanj tinjambu hoc Yisu asê.

Lau sêņgihij Yisu ahuc űapanj

²⁰ Yisu sôc andu danj gi, magoc lau tonj atu sêsap inj dôņ űapanj e űasawa mba bu inj ti ndê űgac-sêņomi sênenj gêtj. ²¹ Gêtj dau űawaê tap Yisu dinda ti asii sa, dec űac sêsôm, “Inj ndê gauc tisac.” Bocdinanj dec sêtêtj inj si bu sêkôc inj sa ndi.

*Yisu ndê űaclai űahu
(Mat 12:22-32; Luk 11:14-22)*

²² Têñ tēm dinañ kêdôhônwaga yomsu-nga ñatô sêmenj akêñ Jerusalem ma sêñgôlinj yom pi Yisu bocdec bu, “Ñalau sac si ñadau †Belsebal gêm gôlinj in, ma kêñ ñaclai têt in bu soc ñalau sac su.” ²³ Goc Yisu mbwêc ñac sêtigasuc in, ma ô ñac si yom ña yom gôlinj dan bocdec bu, “Bocke ma Sadañ oc soc Sadañ? ²⁴ Gôlinjwaga dan ndê lau bu sêkêñ kisa dau, dec in ndê gôlinj oc pacndê. ²⁵ Ma gôlôwac dan bu sêwhê dau kôc, dec oc sêlhac ñannga dom. ²⁶ Ma Sadañ bu kêñ kisa têt dau ma whê dau kôc, dec in oc lhac ñannga dom, in ndê ñaclai oc pacndê. ²⁷ Anğô! Sadañ in gitôm ñac ti licwalô atu, ma yac bu dasôc ñac ti licwalô atu dan ndê andu bu tanğaho in ndê gêt, nan gêt ñamata-nga dasô in dôn, goc tanğaho in ndê gêt.

²⁸ “Yomandô aö wasôm têt mac. Ñamalac nan kac ndê ñalôm kwi ma hu ndê sac sin, nan Anötö oc suc in ndê sac ti yom sac-sac honj kwi. ²⁹ Tigeñ ñamalac dan bu sôm yom sac pi Ñalau Dabuñ, nan Anötö oc suc in ndê sac kwi dom andô. In kôm gêt sac sambuc, ma in ndê giso oc yêc ñapanj.”

³⁰ Yom honj dinañ Yisu sôm, ñahu bu ñac sêsôm bu ñalau sac dan mbo in ñalôm.

Yisu dinda ti asii
(*Mat 12:46-50; Luk 8:19-21*)

³¹ Têñ tēm dinañ Yisu dinda ti ndê asii sêhóc asê andu dau. Sêlhac awê ma sêñkinj ñamalac dan sôc gi bu kôc in sa sa menj. ³² Lau daêsam nan sêndöc sêñgihi Yisu ahuc, nan sêsôm têt in bu, “Am dinam ti nem asimi dec sêmenj sêlhac awê ma sêndac am.” ³³ Goc in ndac ñac, “Aneñ dinañ ti asinji nan asa?” ³⁴ Ma in tahê lau nan sêndöc sêñgihi in ahuc, ma

sôm, “Aneŋ dinanŋ ti asinŋi dau dindec. ³⁵ Bu lau nanŋ danŋa wambu Anötö ndê yom, nanŋ ŋac sêti aö asinŋi ti lhuŋwêi ma dinanŋi.”

4

*Yom gôlinŋ pi ŋac kêbalip wit ŋawhê
(Mat 13:1-12; Luk 8:4-8)*

¹ Tiŋambu Yisu sa gi mbo bugictonŋ ŋamakê, ma gic hu kêdôhônŋ lau tiyham. Ma lau sêwê-sêwê sêmenŋ e ti tonŋ atu andô. Tu dinanŋ-ŋga inŋ pi wanŋ danŋ gi poc bugictonŋ kêpinŋ baö, ma lau daêsam dinanŋ sêlhac baö.

² Yisu sôm yom gôlinŋ daêsam bu êndôhônŋ lau dinanŋ. Inŋ sôm yom gôlinŋ danŋ têtŋ ŋac bocdec bu, ³ “Angô! Ngac danŋ sa gi bu êmbalip wit ŋawhê yêc inŋ ndê ôm. ⁴ Têtŋ ndoc inŋ kêbalip gêtŋ dau, nanŋ ŋawhê ŋatô sêpenŋ sêsip senŋ, ma mbac sêsip sêmenŋ ma senŋ su. ⁵ Ma ŋawhê ŋatô sêpenŋ sêsip gameŋ hoc-hoc, nanŋ nom ŋagec sac hoc ŋahô ŋambwa. Ŋawhê dau sêsip nom ŋalôm gacgenŋ si dom, dec sêpo sêpi sêmenŋ ŋagahô. ⁶ Tigenŋ tiŋambu ac pec ŋagatôm ma gêm bôlinŋ. Ŋahu bu nom ŋayham mba tu ŋawakac sip ndi-ŋga. ⁷ Ma wit ŋawhê ŋatô sêpenŋ sêsip kwanŋ ti ŋakwa ŋalôm, ma kwanŋ lu wit sêpi sêwhinŋ dau e kwanŋ yanŋ wit ndu ma gêm ŋandô danŋ dom. ⁸ Ma wit ŋawhê ŋatô sêpenŋ sêsip nom ŋayham, ma tiŋambu sem ŋandô daêsam, ŋatô sem ŋandô 30, ŋatô sem ŋandô 60, ma ŋatô sem ŋandô 100.”

⁹ Goc Yisu sôm, “Asa bu danŋa-sunŋ yêc, nanŋ ŋgô aneŋ yom.”

*Yisu whê yom gôlinŋ wit ŋawhê-ŋga ŋahu sa
(Mat 13:10-23; Luk 8:9-15)*

¹⁰ Tinjambu lau daêsam sêmbô dom, ma lau nan sêmbô sêwhin Yisu, ti ngacsênomi 12 sêndac Yisu pi yom gôlinj dau njahu. ¹¹ Ma inj whê sa têtj njac bocdec bu, “Anötö ndê gôlinj njalênj njahu sip njalôm gi. Inj kêyalinj mac sa bu anyalê njahu dau, magoc lau nan sêmbô Anötö ndê gôlinj njalôm dom, nanj wasôm yom têtj njac njayom gôlinj njambwa. ¹² Aisaya to yom pi lau kainj dinanj, nanj yêc bocdec bu:

Njac sêlic gêtj nanj aö gakôm, nanj njapanj, magoc njac si gauc sa dom. Ma njac sêngô anenj yom njapanj, magoc sênyalê njahu dom.

Njac bu sênyalê, dec oc tôm bu sênem dau kwi, ma Anötö oc suc njac si sac kwi.” *[Ais 6:9-10]*

¹³ Goc Yisu sôm têtj njac, “Bocke dec mac anyalê yom gôlinj dinanj njahu dom? Bocdina njalênj bocke mac oc anyalê yom gôlinj natô njahu? ¹⁴ Anjô! Yom pi njac nanj kêbalip wit njawhê, nanj hêganônj njac nanj hoc Anötö ndê yom asê. ¹⁵ Ma yom pi wit njawhê nanj sêpej sêsip sej, nanj hêganônj lau nanj sêngô Anötö ndê yom, magoc njagahô Sada njen ma kêgaho yom dau su yêc njac si njalôm. ¹⁶ Ma wit njawhê nanj sêpej sêsip gamej hoc-hoc, nanj hêganônj lau nanj sêngô Anötö ndê yom ma sêkôc sa njagahô ti atac njayham. ¹⁷ Tigenj tôm wit nanj njawakac mbasi, nanj lau dau sêlhac njasawa balinj dom. Têtj ndoc sêtap njawapac sa, me lau sêkênj kisa njac tu Anötö ndê yom-njga, nanj sêhu si sêkênj whinj sinj njagahô enj. ¹⁸ Ma wit njawhê nanj sêpej sêsip kwanj ti njakwa njalôm, nanj hêganônj lau nanj sêngô Anötö ndê yom, ¹⁹ tigenj sêhêgo dau pi gêtj nom-njga kêlêc, ma lêtj atac whinj mone ti wapa nom-njga hê njac si gauc njapanj e kôm Anötö ndê yom ahuc, ma njandô mbasi.

²⁰ Ma wit ñawhê nan sêpeñ sêsip nom ñayham, ma sem ñandô 30, me 60, me 100, nan hêganôñ lau nan sêngô Anötö ndê yom, sêkôc sa e tidôñ, ma sem ñandô daêsam.”

Dasiñ lam ñawê kwi dom
(Luk 8:16-18)

²¹ Ma Yisu sôm têtñ ñac, “Lam inñ gêtñ pô gameñ-nga, ma bocdinanñ yac tanğatôc ña suc ahuc me dasiñ kwi sôc sasac ñapu dom. Mba! Tanğinñ êngalêtñ ñalhu bu ñawê pô gameñ. ²² Ma ñalêtñ tigenñ, yom nanñ yêc siñ dau me ñahu sip ñalôm gi, nanñ oc meñ sa tiawê. ²³ Asa nanñ dangasunñ bu yêc, nanñ ñgô.”

²⁴ Ma inñ gic têtñ yom ma sôm, “Akôc gauc ñapep pi Anötö ndê yom nanñ mac añgô. Mac bu atac whinñ bu añyalê ñahu, dec Anötö oc kêtñ gauc têtñ mac, ma inñ oc kôm mac nem gauc êñsôwec tiatu. ²⁵ Bu asa nanñ kôc Anötö ndê yom sa sip ndê ñalôm e tidôñ, nanñ Anötö oc kêtñ gauc têtñ inñ êñlêc. Magoc asa nanñ kôc sa tidôñ dom, nanñ Anötö oc kôc inñ ndê yom honñ su yêc inñ.”

Yom gôlinñ pi gêtñ ñawhê nanñ po pi meñ

²⁶ Ma Yisu sôm, “Ñalêtñ nanñ Anötö ndê gôlinñ kêsôwec, nanñ gitôm gêtñ ñawhê nanñ ñamalac danñ sô sip ndê ôm. ²⁷ Ma tinambu inñ yêc bêc ôbwêc ma tisa têtñ acsalô, ma ñawhê dau po pi meñ. Magoc ñamalac dau kêyalê ñalêtñ dom. ²⁸ Têtñ ñamata-nga ñawhê dau hôc nom kôc ma ñagatôm pi meñ, malô goc ñamlha sa ma tinambu gêm ñandô. ²⁹ Magoc têtñ ndoc gêtñ ñandô dau tilôwê inñ oc ndic su, bu bêc sêhonñ gêtñ ñandô sa-nga meñ sa.”

*Yom gôliņ pi gêņ ņawhê sauņ
(Mat 13:31-32; Luk 13:18-19)*

³⁰ Ma Yisu sôm, “Aö wasôm yom gôliņ bocke tu bu wawhê ņalêņ naņ Anötö ndê gôliņ kêsôwec, naņ sa? Aö wanem dôhôn pi gêņ sake bu wawhê sa? ³¹ Anötö ndê gôliņ gitôm gêņ ņawhê sauņ andô dan naņ dasô sip nom, gitôm a soc ņawhê. ³² Gêņ dau gêņ sauņ andô, tigen yac bu dasô sip nom ndi, dec oc po tiatu e hóc gêlêc gêņ ôm-ņga hoņ su. Ma ņasaņgac oc sêhê baliņ e mbac lólôc-ņga sêmeņ sêhê si ņaic yêc ayuņ ņayham dau.”

³³ Yom gôliņ kaiņ dinaņ Yisu sôm têņ lau ņapaņ. Iņ kêdôhôn ņac tôm ņac si gauc. ³⁴ Yom hoņ naņ iņ sôm têņ ņac, naņ iņ sôm ņa yom gôliņ. Ma têņ têm naņ iņ ti ndê ņgacsêņomi sêmbo tawasê, naņ iņ whê gêņ hoņ sa têņ ņac.

*Yisu kôm bu ņampon timalô
(Mat 8:23-27; Luk 8:22-25)*

³⁵ Têņ acsalô dinaņ kêpiņ bu ņasec sa, naņ Yisu sôm têņ iņ ndê ņgacsêņomi, “Yac dalhö, dapi bugic-ton ņadaņga dandi.” ³⁶ Goc sêhu lau toņ atu dinaņ siņ ma sêkôc Yisu whiņ ņac sêpi waņ dan ma sêlhö si. Ma waņ ņatô sêlac sêwhiņ. ³⁷ Sêlac si ma mbu puc atu ma gêli bu ņampon sa gic sip waņ e kêpiņ bu waņ pac. ³⁸ Magoc Yisu teņ gwalim ma yêc bêc yêc waņku-ņga. ņgacsêņomi sêuņ iņ sa, ma sêsôm têņ iņ, “Kêdôhônwaga, bocke? Am hêgo daôm dom bu yac oc dandiņ, a?” ³⁹ Goc iņ tisa, ma sôm yom ņaņga têņ mbu ti bu ņampon bocdec bu, “Naņ gitôm! Timalô!” Goc mbu timalô ma gameņ ņaņeņ sa. ⁴⁰ Ma iņ sôm têņ ņac bu, “Tu sake-ņga mac atöc daôm kêlêc? Bocke? Mac akêņ whiņ aö dom,

a?” ⁴¹ Magoc ñac sêsö ti sêtöc dau ñandô ma sêndac dandi, “In asa dec? Gêñ hon sêsöc in ndê yom ñapu, ma mbu ti bu ñampon sêwhin!”

5

Yisu kôm ñgac ti ñalau sac ñayham sa (Mat 8:28-34; Luk 8:26-39)

¹ Yisu ti ndê ñgacsêñomi sêhóc asê Bugicton Galili-nga ñadañga têtñ gameñ ac pi-nga, ma sêsöc baö yêc lau Gerasa-nga si gameñ. ² Sêpi baö si, ma ñgac dañ nan ñalau sac mbo in ndê ñalôm, nan sa akêñ ôm sêhó-nga ma têtñ Yisu gi. ³ In ñgac dau êlêmê ndöc ôm sêhó-nga, ma têtñ daêsam lau sêñsahê bu sêsô in dôñ ña wac me ña sen, magoc gitôm dom. ⁴ Têtñ daêsam sêsô in amba ti gahi dôñ ña sen, magoc in hê sen kic ma sen gapocwalô gahi-nga su. Lau dañ sêtôm dom bu sêkôm in timalô. ⁵ Têtñ acsalô ti ôbwêc, in mbo ôm sêhó-nga ti gameñ ñabaö, ma tañ asê ma kôc hoc ma tuc-tuc dau ñamlic tisac.

⁶ Têtñ têtñ dinañ in gêlic Yisu kalhac ahê, goc kêtñ gi ma pôtñ haduc yêc in añgô-nga. ⁷⁻⁸ Ma Yisu sôm têtñ in, “Ñalau sac, am hu ñgac dinañ sin.” Dec ñalau dau mbwêc atu ma sôm, “Yisu, Anötö Ñaclai ti Ñawasi Ñadau ndê Atu, am bu kôm sake têtñ aö? Tu Anötö ndê ñaê-nga, aö wateñ am bu kôm aö ñayom dom.” ⁹ Goc Yisu ndac in, “Am nem ñaê asa?” Ma ñalau sac ô yom ma sôm, “Aneñ ñaê ‘Tonñ Atu,’ bu yac ñalau daêsam.” ¹⁰ Ma ñalau dau teñ Yisu tidim daêsam, bu soc ñac su yêc gameñ dinañ dom.

¹¹ Têtñ têtñ dinañ bôc tonñ atu sen gêñ sêmbo lôc ñapu yêc gameñ dinañ. ¹² Goc ñalau sac sêteñ Yisu

ma sêsôm, “Êmkiņ yac atêj bôc dindê andi, bu yac asôc bôc si ŋalôm.” ¹³ Yisu gôlôc goc ŋalau sac sêhu ŋgac dinan siņ, ma sêsôc bôc ŋalôm si. Goc bôc hoņ sênti si e sêsip salic sac, ma sêsip bugictoņ e bu kô ŋac sêmbac ndu. Bôc dau toņ atu, ŋanamba gitôm 2,000. ¹⁴ Goc lau sêyob bôc-ŋga sênti si, ma sic miņ yom dinan têtj lau naņ sêmba malac atu ti gameņ ŋamakê-ŋga. Ma lau dau sêsa si bu sêlic gêtj naņ Yisu kôm. ¹⁵ Sêhôt asê iņ ma sêlic ŋgac naņ Yisu soc ŋalau sac toņ atu dinan su yêc iņ, naņ ndôc ti gauc ŋawa ma sôc ŋakwê, dec ŋac sêtôc dau. ¹⁶ Ma lau naņ sêlic gêtj dau, naņ sic miņ pi gêtj naņ Yisu kôm têtj ŋgac ti ŋalau sac, ma têtj bôc. ¹⁷ Goc lau gameņ dinan-ŋga sêteņ Yisu ŋaņga bu hu ŋac si gameņ siņ.

¹⁸ Têtj ndoc Yisu bu pi waņ ndi, naņ ŋgac naņ iņ soc ŋalau sac su yêc iņ, naņ teņ iņ ŋaņga bu whiņ iņ ndi. ¹⁹ Magoc Yisu sôm, “Mba! Am mbu têtj nem lau ndi, ma ndic miņ têtj ŋac pi ŋalêtj naņ Pômdau tawalô am, ma pi gêtj hoņ naņ iņ kôm têtj am.” ²⁰ Goc ŋgac dau kôlhô gi, ma kêgihi gameņ naņ sêsam bu Dekapolis,* ma gic miņ yom pi gêtj atu naņ Yisu kôm têtj iņ. Ma lau hoņ sêhêdaê.

*Yisu kôm awhê lu ŋayham sa
(Mat 9:18-26; Luk 8:40-56)*

²¹ Yisu ti ndê ŋgacsêņomi sêpi waņ ma sêmbu sêpi bugictoņ ŋadaņga si. Ma têtj ndoc iņ sip baô gi, naņ lau toņ atu sêkac sa e sêņgihi iņ ahuc. ²² Ma ŋgac dan ŋaê Jairas, naņ yob lau Israel-ŋga si lôm wê-ŋga yêc gameņ dinan, naņ meņ hôt asê. Iņ gêtjic Yisu goc hu

* **5:20:** Dekapolis - ŋaê dinan danem kwi bu ‘malac amanlu.’ Malac amanlu dinan sêyêc Bugictoņ Galili-ŋga ŋagameņ têtj ac pi-ŋga.

dau sip nom yêc inġ gahi-ŋga. ²³ Ma inġ tenġ inġ ŋaŋga bocdec bu, “Aneŋ bawhê saunġ gêm̄bac atu kêpinġ bu oc mbac ndu. Aö tac whinġ bu am mwenġ, kêŋ amam sac inġ tu bu inġ mbac ndu dom, ma ŋayham sa tiyham.” ²⁴ Goc Yisu whinġ inġ gi.

Yisu kêsêlêŋ mbo, ma lau daêsam sêŋkuc inġ ma sêŋgihi inġ ahuc. ²⁵ Lau tonġ dinanġ si danġ inġ awhê nanġ gêm̄ dac ŋapanġ tôm yala 12. ²⁶ Inġ kêsalê dokta daêsam bu sênem inġ sa, ma gêm̄lhi ŋac e inġ ndê mone honġ pacndê. Magoc ŋac sêtôm dom bu sênem inġ sa. Inġ hôc ŋandê atu tu ŋac-ŋga, ma gêm̄bac dau hôc gêlêc su. ²⁷⁻²⁸ Awhê dau ŋgô Yisu ŋawaê su, dec gauc gêm̄ têtġ dau bu, “Aö bu wamasec inġ ndê ŋakwê, dec oc kôm aö ŋayham sa.” Tu dinanġ-ŋga inġ kêsêlêŋ yêc lau tonġ atu ŋalôm kêkuc inġ, ma kêmasec inġ ndê ŋakwê. ²⁹ Ma ŋagahô eŋ inġ ndê dac sa tiyham dom, ma inġ kêsahê bu inġ ndê gêm̄bac pacndê su.

³⁰ Yisu kêyalê bu ŋaclai sa yêc inġ, goc ŋagahô inġ kac dau kwi yêc lau tonġ atu ŋalôm ma ndac, “Asa kêmasec aö neŋ ŋakwê?” ³¹ Magoc inġ ndê ŋgacsêŋomi sêô yom ma sêsôm, “Lic lau daêsam dîndec s êkôm am si. Bocke dec am ndac bu ŋac si asa kêmasec am?” ³² Magoc Yisu taso lau honġ, ma kêsalê ŋamalac nanġ kôm gêtġ dau. ³³ Awhê dau kêyalê bu inġ ŋayham sa su, dec têtġ Yisu gi ma pônġ haduc yêc inġ anġô-ŋga. Inġ tötġ dau tî kêtitec mbo, ma hoc yom asê pi gêtġ nanġ inġ kôm. ³⁴ Goc Yisu sôm tenġ inġ, “O aneŋ bawhê, am nem kêŋ whinġ aö dec kôm am ŋayham sa. Am ndi ti atac malô, kwahic dec am nem ŋawapac pacndê su.”

³⁵ Yisu sôm yom dinanġ mbo, ma lau ŋatô sêmenġ akêŋ Jairas ndê andu, ma sêsôm têtġ inġ, “Am

atômwê mbac ndu su. Tu sake-nga am bu kên
 ñawapac têt Kêdôhôn-waga? Sôm têt in bu men
 dom.” ³⁶ Tigen Yisu hêgo dau tu ñac si yom-nga
 dom, ma sôm têt Jairas, “Töc daôm dom, kên whin.”
³⁷ Goc Yisu kalhac lau hon ahuc, ma kôc Pita,
 ma Jems lu ndê asidôwa Jon, ma sêwhin Jairas si.
³⁸ Sêñsêlên si e sêhóc asê Jairas ndê andu, ma Yisu
 gêlic lau sêkôm ñanta atu, ñac sêhu dangibo asê ma
 sêtañ. ³⁹ Goc in sôc gi ma ndac ñac, “Mac akôm
 ñanta ti dangibo atu dindec tu sake-nga? Bawhê
 dau mbac ndu dom, in yêc bêc nañ yêc.” ⁴⁰ Magoc
 ñac sêmbwac in. Yisu kên ñac sêsa awê si, ma kôc
 bawhê ñadamba lu dinda ti ñgacsêñomi tö dinañ
 sêwhin in si, ma sêsôc ñalôm nañ bawhê yêc. ⁴¹ In
 kêm bawhê dau sip amba ma sôm têt in, “Talita,
 k umi.” (Yom Hibru dau danem kwi bu, ‘Bawhê
 saun, am tisa.’) ⁴² Ma ñagahô eñ bawhê dau, nañ
 ndê yala ti 12, nañ tisa ma kêsêlên. Ma lau hon nañ
 sêlic gêt dau, nañ sêhêdaê ñandô. ⁴³ Magoc Yisu kên
 yao ñaŋga bu sêsôm gêt dau asê têt lau ñatô dom.
 Ma in sôm bu sêkên gêt danen-nga têt bawhê dau
 neñ.

6

Yisu ndê lau sêkôc in sa dom (Mat 13:54-58; Luk 4:16-30)

¹ Yisu mbu têt in ndê malac-hu gi, ma in ndê
 ñgacsêñomi sêñkuc in. ² Têt bêc Sabat-nga dan in
 sôc lôm wê-nga gi, ma gic hu kêdôhôn lau. Ma lau
 daêsam nañ sêñgô in ndê yom, nañ sêhêdaê ma
 sêsôm têt dandî, “Aluê! In ñgac dec tap gêt hon
 dindec sa yêc nde? Asa kên gauc atu-tu dinañ têt

in, ma ñaclai tu kôm gêñ dalô-nga? ³ In yac neñ ngac nañ mun-nga kôm gwelen kapenta-nga. In Maria ndê atungac, ma Jems, Josep, Judas ma Saimon dôwa! Ma in ndê lhuwêi sêmbô sêwhin yac.” Ma ñac atac lu-lu tu in-nga. ⁴ Goc Yisu sôm têtñ ñac, “Lau hon sêtoc propet dan sa, tigen yêc in ndê malachu, in ndê asidôwai ma in dau ndê lau sêtoc in sa dom.” ⁵ Ma yêc gameñ dinan in gitôm dom bu kôm gêñ dalô daêsam. In kêtñ amba sac lau gêmbac tigen-tigen, ma kôm ñac ñayham sa. ⁶ Ma in hêdaê bu ñac sêkêtñ whin in dom.

Tinambu in kêsêlêtñ golom-golom malac, ma kêdôhôn lau.

*Yisu kêkin ngacsêñomi 12 sêsa si
(Mat 10:7-11; Luk 9:1-5)*

⁷ Yisu mbwêc ndê ngacsêñomi 12 sêtêtñ in sêmen, ma in kêkin ñac lu-lu sêsa sêtêtñ malac ñatô si, bu sênem mêtê lau. Ma in kêtñ ñaclai têtñ ñac bu sêsoc ñalau sac su yêc lau. ⁸⁻⁹ In kêkin ñac ti sôm yom têtñ ñac bocdec bu, “Anjêlêtñ andi, magoc akôc wapa daêsam dom. Asôc nem atapa ma akôc nem tôc, dec tôm. Ampwic hacgêlê dom, ma akôc gêñ danen-nga me awa me ñakwê aô daôm-nga dom. ¹⁰ Têtñ ndoc mac asôc malac dan andi, ma lau sêkôc mac sa asôc ñac si andu, nañ ambo whin ñac e mac ahu malac dau sin. ¹¹ Ma lau malac dan-nga bu sêkôc mac ti nem yom sa dom, goc aton kop su yêc gahim têtñ ndoc mac ahu ñac sin, bu atôc ñac si giso asê.”

¹² Goc ñac sêlhô si ma sem mêtê bu lau sênem si ñalôm kwi ma sêhu mêtê sac sin. ¹³ Sêsoc ñalau sac daêsam su yêc lau, ma sêmbac olib ñakwi pi lau gêmbac daêsam ma sêkôm ñac ñayham sa.

*Herod gauc gêm yom daêsam pi Yisu
(Mat 14:1-2; Luk 9:7-9)*

¹⁴ Lau sic miñ pi Yisu napañ e inñ ndê waê tiapa, ma Kiñ Herod ngô ñawaê pi inñ whiñ. Lau ñatô sêsôm bu, “Yisu inñ Jon, Ngac Kêku Lau-nga, nañ tisa akêñ lau batê-nga, ma bocdinañ inñ kôc ñaclai bu kôm gêñ dalô.” ¹⁵ Ma ñatô sêsôm, “Mba! Inñ ngac dec inñ propet Elaija nañ tisa akêñ lau batê-nga.” Ma ñatô sêsôm, “Mba! Inñ propet danñ tôm propet akwa-kwa.” ¹⁶ Magoc têtñ têtñ Herod ngô yom dinañ pi Yisu, nañ inñ sôm, “Ngac dê mboe Jon, ngac nañ aô gatim inñ kachu kic, nañ tisa akêñ lau batê-nga.”

*Herod gic Jon, Ngac Kêku Lau-nga ndu ñamin
(Mat 14:3-12)*

¹⁷⁻¹⁸ Muñ-nga, Herod kôc inñ asi Pilip ndê awhê Herodias ma gêm ti ndê awhê. Dec Jon hoc Herod ndê giso asê ma sôm têtñ inñ, “Am gêm nem asim ndê awhê, dec kôm gêñ so sambuc.” Tu dinañ-nga Herod kêkiñ ndê lau siñ-nga bu sêkôc Jon dôn, ma sêkêñ inñ ndôc gapocwalô. ¹⁹ Tu Jon ndê yom-nga, Herodias êlêmê tac ñandê têtñ inñ ma tac whiñ bu sêndic inñ ndu. Magoc inñ gitôm dom, ²⁰ bu Herod kêyalê bu Jon inñ ngac gitêtñ ti dabuñ, dec töc Jon ma yob inñ ñapep. Herod tac whiñ bu ngô Jon ndê yom, magoc Jon ndê yom kôm inñ gauc gêm yom daêsam. ²¹ Tinambu Herodias tap lêtñ danñ sa bu lau sêndic Jon ndu. Têtñ Herod ndê bêc dinda kôc inñ-nga, nañ Herod ndê mwasiñ danñ ma kêgalêm inñ ndê lau atu-tu, ti lau bata siñ-nga, ma lau bata Galili-nga. ²² Nac sêndôc mwasiñ dau ñalôm ma Herodias atuwê sôc meñ ma têt wê. Gêñ dau kôm Kiñ Herod ti ndê ñaclenñ honñ atac ñayham kêlêc. Goc

in̄j sôm têt̄j bawhê dau, “Am ndac gêt̄j bocke nan̄ am atac whin̄j, ma wakêt̄j têt̄j am.” ²³ Ma in̄j kêmatin̄j yom têt̄j in̄j bocdec bu, “Gêt̄j nan̄j am bu ndac, nan̄j aô wakêt̄j têt̄j am, tôm aô wawhê neñ wapa hon̄j kôc ndi ton̄j lu ma wakêt̄j ton̄j dan̄j têt̄j am.” ²⁴ Goc bawhê dau sa gi ma ndac dinda, “Aô wandac gêt̄j sake?” Ma dinda ô yom ma sôm, “Am ndac Jon, Ngac Kêku Lau-nga ndê ñagôlôn̄j.” ²⁵ Goc bawhê dau kac dau kwi ma kêt̄i mbu têt̄j Kin̄j Herod gi, ma sôm têt̄j in̄j bu, “Aô tac whin̄j bu kwahic dec, am tim Jon, Ngac Kêku Lau-nga ndê kachu kic, goc kêt̄j in̄j ndê ñagôlôn̄j sip pele dan̄j ma kêt̄j têt̄j aô, bu walic pi tanôn̄j bu in̄j mbac ndu ñandô.” ²⁶ Yom dau kôm Kin̄j Herod ñalôm ñawapac atu, tigen̄j tu in̄j kêmatin̄j yom yêc ñacleñ hon̄j an̄gô-nga, dec kôm tôm bawhê dau ndac. ²⁷ Ma ñagahô in̄j kêkin̄j ñgac dan̄j bu ndic Jon ndu ma kôc in̄j ñagôlôn̄j mbu meñ. Ngac dau sôc gapocwalô gi, tim Jon ndê kachu kic, ²⁸ ma kêt̄j ñagôlôn̄j sip pele dan̄j. Goc kôc sa gi kêt̄j têt̄j bawhê, ma bawhê kêt̄j têt̄j dinda gêlic.

²⁹ Têt̄j têt̄m Jon ndê sêñomi sêñgô gêt̄j dau ñawaê, nan̄j sêmeñ ma sêkôc in̄j ndê ñamlan̄j sa, ma si sêñsuhun̄j.

Yisu ndê ñgacsêñomi sêmbu sêmeñ

³⁰ Ngacsêñomi nan̄j Yisu kêkin̄j ñac sêsa si, nan̄j sêmbu sêtêt̄j in̄j sêmeñ, ma sic min̄j pi gêt̄j hon̄j nan̄j sêkôm, ma yom nan̄j sêndôhôn̄j têt̄j lau. ³¹ Têt̄j têt̄m dinan̄j lau daêsam sêwê sêtêt̄j Yisu sêmeñ ñapan̄j, dec ñasawa mba bu in̄j ti ndê lau sêneñ gêt̄j. Tu dinan̄j-nga dec in̄j sôm têt̄j ñac, “Mac tamwasêm awhin̄j aô, ma yac dasa gameñ sawa dan̄j dandi, ma tan̄jwhan̄j daun̄j.”

Yisu gôlôm lau 5,000

(Mat 14:13-21; Luk 9:10-17; Jon 6:1-15)

³² Bocdinaŋ ɲac sêpi waŋ daŋ bu sêlhô sêtêŋ gameŋ sawa daŋ sêndi. ³³ Magoc lau daêsam sêlic ɲac sêpi waŋ ma sêŋyalê bu Yisu ti ndê lau. Bocdinaŋ lau akêŋ malac hoŋ yêc gameŋ dinaŋ sêŋkuc ɲac, sênti sêmbo baö ma sêhóc gêlêc ɲac. ³⁴ Têŋ têm Yisu ti ndê ɲgac-sêŋomi sêsôc baö si, iŋ gêlic lau daêsam dinaŋ ma tawalô ɲac, bu ɲac sêtôm domba naŋ si ɲgac yob ɲac-ŋga mba. Dec iŋ gic hu kêdôhôn yom daêsam têŋ ɲac.

³⁵ Sêmbo e telha sa, goc Yisu ndê ɲgacsêŋomi sêtêŋ iŋ si ma sêsôm, “Gameŋ dindec gameŋ sawa, ma ac pacndê. ³⁶ Kêŋ lau dau sêlhô sêtêŋ malac ti gameŋ ɲamakê-ŋga sêndi, bu sênemli gêŋ sêneŋ-ŋga.” ³⁷ Magoc Yisu sôm, “Mba! Mac daôm akêŋ gêŋ têŋ ɲac sêneŋ.” Ma ɲac sêô yom ma sêsôm, “Lau dindec ɲac lau daêsam andô! Yac bu anemli bolom ɲa mone atu gitôm †denarii 200, dec oc tôm bu ɲac hoŋ sêneŋ ɲagec-ɲagec. Yac akôm bocdinaŋ, a?” ³⁸ M a iŋ ndac, “Mac nem bolom hiŋga ndöc? Andi alic.” Ma ɲac si sêlic goc sêmbu sêmeŋ ma sêsôm, “Yac mba bolom limdaŋ, ma i lu sêndöc.”

³⁹ Goc Yisu sôm têŋ ɲac bu sêkêŋ lau hoŋ sêndöc sic titoŋ-titoŋ sêndöc kwaŋ. ⁴⁰ Ma lau hoŋ sêndöc sic titoŋ-titoŋ, toŋ ɲatô gitôm lau 100, ma ɲatô gitôm 50. ⁴¹ Goc Yisu kôc bolom limdaŋ ma i lu sa, tatac undambê ma gêm mbec, goc pô bolom kôc-kôc, ma kêŋ têŋ ɲgacsêŋomi bu sêndic sam têŋ lau. Goc iŋ kôm bocdinaŋ pi i lu. ⁴² Lau hoŋ seŋ gêŋ e hóc ɲac dôŋ. ⁴³ Ma tiŋambu ɲgacsêŋomi sic bolom ti i ɲadêlê sa sip gatop 12 e meŋhu.

⁴⁴ Yisu gôlôm lau toŋ atu dinaŋ, ma lauŋgac naŋ sêmbô toŋ dau ŋalôm ma seŋ gêŋ, naŋ si namba gitôm 5,000.

*Yisu kêsêlêŋ mbo bu ŋahô
(Mat 14:22-33; Jon 6:16-21)*

⁴⁵ Têŋ têm dinaŋ Yisu kêŋ ndê ŋ gacsêŋomi sêpi waŋ daŋ si, ma kêkiŋ ŋac sêmuŋ iŋ sêpi bugictonŋ ŋadaŋga, bu sêtêŋ malac Betsaida sêndi. Ma iŋ dau mbo baö bu kêŋ lau toŋ atu dinaŋ sêlhö si. ⁴⁶ Iŋ hu ŋac siŋ su, goc pi lôc daŋ gi bu teŋ mbec.

⁴⁷ Nâsec sa su, ma waŋ dau sa bugictonŋ ŋalhu, ma Yisu tawasê mbo baö. ⁴⁸ Iŋ gêlic ndê ŋgac-sêŋomi sêhêc waŋ ŋaŋga, bu mbu atu kêsêlêŋ ma puc ŋac dôŋ. Têŋ ôbwêc lôm iŋ kêsêlêŋ mbo bu ŋahô, ma sa têtŋ ŋac gi. Iŋ bu hôc gêlêc ŋac, ⁴⁹ magoc têtŋ ndoc sêlic iŋ kêsêlêŋ mbo bu ŋahô, ŋac gauc gêm bu sêlic ŋalau daŋ. Nâc sêmbwêc atu, ⁵⁰ bu ŋac hoŋ sêlic iŋ ma sêtöc dau. Magoc ŋagahô iŋ sôm yom têtŋ ŋac bu, “Ŋalôm pêŋ dôŋ ma atöc daôm dom, bu aö daŋ dindec!” ⁵¹ Goc iŋ kêsêlêŋ têtŋ ŋac ma pi waŋ gi. Ma mbu timalô ma binôŋ sip. Nâc sêhêdaê ŋandô, ⁵² ŋahu bu ŋac sêlic gêŋ naŋ iŋ kôm pi bolom ti i, magoc ŋac si gauc sa dom pi iŋ ndê ŋaclai. Nâc si ŋalôm ŋadandi.

*Yisu gêm lau gêmbac sa yêc malac Genesaret
(Mat 14:34-36; Jon 6:22-25)*

⁵³ Nâc sêhêc asê malac Genesaret yêc bugictonŋ ŋadaŋga, ma sêsô waŋ dôŋ. ⁵⁴ Nâc sêsip baö si ma ŋagahô lau sêŋyalê bu Yisu. ⁵⁵ Goc sênti sêtêŋ malac hoŋ yêc gameŋ dinaŋ, ma sêkêŋ Yisu ŋawaê. Ma tiŋambu lau sêmbalaŋ si lau gêmbac sêtêŋ malac

bocke nanj sêngô bu Yisu mbo. ⁵⁶ Ma malac atu ti saun, me gamej ñamakê-nga bocke nanj Yisu mbo, nanj lau sêtoc si lau gêmbac sêyêc maket ñamala, ma sêtej Yisu bu ñac sêmasec inj me bu sêmasec inj ndê ñakwê ñambwa. Ma lau honj nanj sêmasec inj, nanj ñamlic ñayham sa.

7

*Gêj nanj kôm ñamalac ñadômbwi sa yêc Anötö anjô-
nga*

(Mat 15:1-20)

¹ Lau Palêsai ti kêdôhônwaga yomsu-nga ñatô akêj Jerusalem sêtêj Yisu si. ² Ma ñac sêlic bu inj ndê ñgacsêjomi ñatô sêngwasinj amba dom ma sej gêj. Bocdinaj ñac gauc gêm bu ñgac-sêjomi si amba ñadômbwi. ³ Ñac gauc gêm yom dinaj, ñahu bu lau Palêsai ti lau Israel-nga daêsam sêj kuc mêtê nanj lau andô sic dulu têtj ñac, bu sêngwasinj amba munj su, goc sênej gêj. ⁴ Ma têtj ndoc sêmbu akêj maket sêmej,* nanj sêngwasinj amba munj, goc sênej gêj. Ma ñac sêngwasinj laclhu ti akôp ma suc, ma sêj kuc mêtê kainj dinaj daêsam, nanj lau andô Israel-nga sic dulu têtj ñac.

⁵ Bocdinaj lau Palêsai ti kêdôhôn-waga yomsu-nga dinaj sêndac Yisu, “Tu sake-nga am nem ñgac-sêjomi sêj kuc ñagôlinj nanj lau andô sic dulu têtj yac, nanj dom, ma sej gêj ti amba ñadômbwi?” ⁶ Ma Yisu

* **7:4:** Têtj ndoc lau Palêsai ma lau †Skraib sêmbu maket, nanj semlhi gêj yêc lau Israel ñatô nanj sêhêgo dau tu Moses ndê yomsu-nga dom, ma flau gamej apa-nga nanj sêmbu maket ñamala. Ñac gauc gêm bu lau dau oc sêkôm ñac ñadômbwi sa yêc Anötö anjô-nga, ma bocdinaj sêngwasinj amba têtj ndoc sêmbu akêj maket sêmej.

ô yom ma sôm, “Propet Aisaya hoc yom asê mun su, nan hêganôn mac lau atim yom lau-nga solop. Yom dau sêto yêc bocdec bu:

Lau dindéc sêtoc aô sa na whasuŋ nambwa, tigen nac si nalôm yêc dan dau-nga.

⁷ Nac sem akiŋ aô nandô dom, ma yom nan sêndôhôn têt lau, nan namalac si yomsu nambwa.” *[Ais 29:13]*

⁸ Goc Yisu gic têt ku yom ma sôm, “Mac ahu Anötö ndê yomsu siŋ, ma asap namalac nambwa si nagôliŋ dôŋ. ⁹ Mac alic nayham bu asap mac daôm nem nagôliŋ dôŋ, magoc atec Anötö ndê yomsu, a? ¹⁰ Bu Moses to Anötö ndê yomsu bocdec bu, ‘*Toc damam lu dinam sa.*’ Ma iŋ to yom dan whiŋ bocdec bu, ‘*Ngac dan bu sôm yom sac pi iŋ damba lu dinda, nan lau sêndic iŋ ndu man.*’ ¹¹ Tigen mac andôhôn lau bu sêngilî yomsu dinaŋ. Namalac dan ndê awa me gêt bu yêc bu nem damba lu dinda sa, magoc iŋ bu ndic yao gêt dau ma sôm têt iŋ lu, ‘Gêt nan bu nem amlu sa, nan gasam bu Koban.’ (Yom Koban dinaŋ nahu bu iŋ kêyalîŋ gêt dau sa bu kêŋ ti da têt Anötö.) ¹² Tu dinaŋ-nga iŋ gêm iŋ damba lu dinda sa dom, ma mac alic nayham. ¹³ Nalêt dinaŋ mac asen Anötö ndê yom popoc ma ankcuc lau andô si nagôliŋ nan apami sic dulu têt mac. Mac akôm mêtê daêsam gitôm dinaŋ.”

¹⁴ Goc Yisu ta lau hon sêtêt iŋ sêmen tiyham, ma sôm, “Mac lau hon, ango ma anyalê. ¹⁵⁻¹⁶ Gêt hon nan yêc awê ma sip namalac natak nalôm, nan nadan kôm iŋ nadômbwi sa yêc Anötö ango-nga dom. Magoc mêtê ti gauc sac nan men akêt namalac nalôm, nan kôm iŋ nadômbwi sa yêc Anötö ango-

nga.”

¹⁷ Tinjambu Yisu hu lau dinaŋ siŋ ma iŋ ti ndê ngacsêŋomi sêsôc andu daŋ si. Goc sêndac iŋ pi yom gôliŋ dinaŋ ŋahu. ¹⁸ Ma iŋ ndac ŋac, “Bocke dec mac atôm lau ŋatô naŋ si gauc sa dom? Alic bu gêŋ n aŋ yêc awê, ma sip ŋamalac ŋatac ŋalôm, naŋ oc kôm iŋ ŋadômbwi sa dom. ¹⁹ ŋahu bu gêŋ dinaŋ sip iŋ ŋalôm ti gauc dom, magoc sip iŋ ŋatac ŋalôm goc tinjambu sa meŋ tiyham.” (Yisu ndê yom dinaŋ tôc asê bu Anötö gic yao gêŋ danen-ŋga daŋ bu gêŋ ŋadômbwi dom.)

²⁰ Ma iŋ gic têku yom ma sôm, “Gêŋ sac bocke naŋ sa yêc ŋamalac si ŋalôm me whasuŋ, naŋ kôm iŋ ŋadômbwi sa yêc Anötö aŋgô-ŋga. ²¹⁻²² Mêtê sac daésam ŋahu yêc ŋamalac si ŋalôm. Gauc sac, mêtê sênem kaŋ gêŋ-ŋga, sêndic ŋamalac ndu-ŋga, mêtê mockaiŋ-ŋga naŋ lau naŋ sem dau sa su, ma lau naŋ sem dau sa su dom naŋ sêkôm, lêŋ atac whiŋ awa ti wapa-ŋga, mêtê sêlic lau sac-ŋga ti sêŋsau lau-ŋga, mêtê sêneŋ gêŋ ŋawahô-ŋga, mêtê ŋalôm ŋagalac-ŋga ti mêtê lêmuŋ-ŋga, ma sêsôm yom sac-sac-ŋga, mêtê sêtoc dau sa-ŋga, ma lêŋ gauc mbasi-ŋga. ²³ Mêtê sac kaiŋ dinaŋ hoŋ ŋahu yêc ŋamalac si ŋalôm, ma kôm ŋac ŋadômbwi sa yêc Anötö aŋgô-ŋga.”

*Awhê Kanan-ŋga daŋ kêŋ whiŋ ŋaŋga
(Mat 15:21-28)*

²⁴ Yisu ti ndê ngacsêŋomi sêhu gameŋ dinaŋ siŋ, ma sêtêŋ gameŋ naŋ yêc kêpiŋ malac Taya ma sêsôc andu daŋ si. Iŋ tec bu lau daŋ sêŋyalê gameŋ naŋ iŋ mbo, magoc iŋ gitôm dom bu siŋ dau. ²⁵⁻²⁶ Awhê daŋ mbo gameŋ dinaŋ, naŋ ŋalau sac

danj mbo inj atuwê ñalôm. Inj awhê Grik-nga nanj dinda kôc inj yêc gamenj Sairo-Pionisia-nga. Têñ ndoc awhê dau ngô ñawaê pi Yisu, nanj têñ inj gi, ma hu dau sip nom yêc inj gahi-nga. Ma inj tenj Yisu ñanğa bu inj soc ñalau sac dau su yêc inj atuwê.

²⁷ Ma Yisu sôm têñ inj, “Gêñ ñamata-nga dakêñ gêñ danen-nga têñ balêkoc bu sênenj e hôc ñac dôñ. Solop dom bu dakôc balêkoc si gêñ danen-nga, ma tambalinj têñ giam sênenj.” ²⁸ Magoc awhê dau ô yom ma sôm, “Yomandô Pômdau, magoc giam nanj sêndôc tebo ñapu, nanj senj gêñ ñapopoc nanj balêkoc sênyainj sip nom.” ²⁹ Goc Yisu sôm, “Tu am nem yom dinan-nga dec aö wanem am sa. Am mbu ndi ma am oc lic bu ñalau sac dau hu am atômwê sinj su.” ³⁰ Goc awhê dau mbu têñ ndê andu gi, ma tap sa bu ñalau sac dau hu inj atuwê sinj ma bawhê dau yêc bêc yêc ndê mbô.

Ngac awha mba ma danğasunj bic

³¹ Yisu ti ndê ñgacsêñomi sêhu malac Taya ñagamenj sinj. Ñac sêñsêlêñ sêmbô senj têñ malac Saidon goc sêtêñ bugictonj Galili-nga, ma sêpi bugictonj ñadanğa ma sêtêñ gamenj Dekapolis-nga si. ³² Yêc gamenj dinanj lau ñatô sêkôc ñgac danj danğasunj bic ma awha mba ma sêtêñ Yisu si, ma sêtenj inj bu kêñ amba sac inj. ³³ Lau daêsam sêlhac dindê, goc Yisu kôc ñgac dau ma injlu sêsa ñasawa saunj si sêlhac dau-nga. Ma inj kêñ amba-atu sôc ñgac dau danğasunj, ma inj hu gasôp pi amba-atu ma kêñ pi ñgac dau êmbala. ³⁴ Goc inj tatak undambê, sê awha atu, ma sôm têñ inj bu, “Epata.” (Yom dau danem kwi bu ‘Po asê.’) ³⁵ Ma ñagahô inj danğasunj po asê, êmbala tigolonj, ma inj sôm yom yêc awê.

³⁶ Yisu gic yao lau bu sêndic miñ pi gêñ dinan têtj lau ñatô dom, magoc sêsôm inñ ndê yom ñapu dom. Inñ gic yao ñac tidim daêsam, magoc ñac sic miñ pi inñ hóc gêlêc su. ³⁷ Ma lau honñ nanñ sêngô, nanñ sêhêdaê ñandô ma sêsôm, “Inñ kôm gêñ honñ ñapep enñ, ma gitôm bu kôm lau danğasunñ bic sêngô yom, ma lau awha mba sêsôm yom asê.”

8

Yisu gôlôm lau 4,000 (Mat 15:29-39)

¹ Têtj têtj dinanñ lau daêsam sêkac sa tiyham e lau tonñ atu sêmbo sêwhinñ Yisu. Inñ gêlic bu ñac si gêñ sêneñ-ñga mba, goc ta ndê ñgacsêñomi sêtêtj inñ sêmeñ, ma sôm têtj ñac bu, ² “Aô tanwalô lau dindêc, bu sêmbo sêwhinñ aô gitôm bêc tō su, ma ñac si gêñ sêneñ-ñga pacndê. ³ Ma aô bu wakêtj ñac sêlhô ti gêñ yô ñac, dec ñac oc tagôlô yêc señ. Ñac si lau ñatô sêmeñ akêtj gameñ baliñ.” ⁴ Magoc inñ ndê ñgacsêñomi sêl inñ ndê yom ma sêsôm, “Yac dambo gameñ sawa, ma oc dakôc gêñ danenñ-ñga y êc nde, nanñ tôm bu lau honñ dindêc sêneñ?” ⁵ Ma Yisu ndac ñac, “Mac nem bolom hiñga ndôc?” Ma ñac sêsôm, “Yac mba bolom 7 sêndôc.”

⁶ Goc Yisu sôm têtj lau bu sêndôc sic sêndôc nom. Ma inñ kôc bolom 7 dinanñ ma gêm danğe, pô kôc-kôc, ma kêtj têtj ndê ñgac-sêñomi bu sêndic sam têtj lau, dec sic sam. ⁷ Ma ñac si i mwambwa ñatô sêndôc, nanñ Yisu gêm mbec whinñ, ma sôm bu sêndic sam têtj lau. ⁸ Ma lau honñ señ e hóc ñac dônñ, goc ñgacsêñomi sic ñadêlê sa sip gatop 7 e menñhu. ⁹ Lauñğac nanñ señ gêñ dau, nanñ si namba gitôm

4,000. Tiŋambu Yisu kêŋ ŋac sêlhö si, ¹⁰ ma inŋ ti ndê ŋgac-sêŋomi sêpi waŋ danŋ ma sêtêŋ gameŋ nanŋ sêsam bu Dalmanuta, nanŋ si.

Lau Palêsai sêndac Yisu bu kôm gêŋ dalô
(Mat 16:1-4)

¹¹ Lau Palêsai ŋatô sêtêŋ Yisu si, ma sic hu sêŋsu inŋ. Ŋac bu sêŋsahê inŋ, dec sêndac inŋ bu kôm gêŋ dalô danŋ bu tîc asê bu inŋ kîc ŋaclai yêc Anötö ndê. ¹² Magoc Yisu h ulai ma sôm têŋ ŋac, “Tu sake-ŋga mac lau têm dindec-ŋga aŋsalê gêŋ dalô? Yomandô wasôm t êŋ mac bu aö wakôm gêŋ dalô tîm mac andac, nanŋ danŋ dom.” ¹³ Goc inŋ hu ŋac siŋ ma pi waŋ tiyham whiŋ ndê ŋgac-sêŋomi ma sêlhö bu sêmbu sêpi bugictonŋ ŋadaŋga sêndi.

Yisu puc lau Palêsai ti Herod si giso asê
(Mat 16:5-12)

¹⁴ Têŋ ndoc ŋgacsêŋomi sêpi waŋ dau si, nanŋ sêŋlhiŋ dau siŋ bu sêkîc bolom ŋatô, ma ŋac si bolom tigenŋ yêc waŋ dau ŋalôm. ¹⁵ Ma Yisu sôm yom ti ŋaŋga têŋ ŋac bu, “Ayob daôm ŋapep pi lau Palêsai si yist ma Herod ndê yist.” ¹⁶ Ma ŋac sem yomgalôm sêwhiŋ dandi ma sêsôm, “Inŋ sôm yom dinaŋ ŋahu bu yac neŋ bolom mbasi.” ¹⁷ Yisu kêyalê yom nanŋ ŋac sêsôm, dec sôm têŋ ŋac, “Tu sake-ŋga mac am yomgalôm ma gauc gêm bu yom nanŋ aö gasôm pi yist, nanŋ ŋahu bu mac nem bolom mba? Bocke mac nem gauc sa pi gêŋ honŋ nanŋ aö gakôm, nanŋ dom? Mac nem ŋalôm ŋadandi sa, a? ¹⁸ Tanôm yêc, magoc mac alic gêŋ danŋ ŋapep dom. Danŋamsuŋ yêc, magoc mac aŋgô yom dom. Gauc nem gêŋ nanŋ aö gakôm su. ¹⁹ Têŋ têm nanŋ aö gac sam bolom amanŋdanŋ têŋ lau 5,000, nanŋ mac ahonŋ

ɲadêlê sa sip gatop hiŋga?” Ma sêsôm, “Gatop 12.”
²⁰ Goc Yisu sôm, “Ma têtj têtj naŋ aö gac sam bolom
 7 têtj lau 4,000, naŋ mac ahonj ɲadêlê sa sip gatop
 hiŋga?” Ma sêsôm “Gatop 7.” ²¹ Goc iŋj sôm têtj ɲac,
 “Ma bocke dec mac nem gauc sa su dom?”

Yisu kôm ɲgac tapec ɲayham sa

²² ɲac sêlac waŋ si e sêhóc asê malac Betsaida.
 Ma lau ɲatô sêkóc ɲgac tapec daŋ sêtêtj Yisu si, ma
 sêndac Yisu bu kêtj amba sac iŋj. ²³ Goc Yisu kêm iŋj
 sip amba, ma wê iŋj sa malac ɲamakê gi. Iŋj hê gasôp
 pi iŋj tandô ma kêtj amba sac iŋj, ma ndac, “Am gêlic
 gêtj daŋ me mba?” ²⁴ Ma ɲgac dau hóc tandô sa ma
 sôm, “Aêc, aö galic ɲamalac sêŋsêlêtj sêmbo, magoc
 galic ɲac ɲadauŋ-dauŋ. Aö galic ɲac sêtôm a.” ²⁵ Goc
 Yisu kêtj amba sac iŋj tandô tiyham, ma iŋj tandô po
 asê ma ɲayham sa. Ma iŋj gêlic gêtj honj ɲawa ɲayham.
²⁶ Goc Yisu kêtj iŋj kölhö gi ma sôm, “Am lhö solop
 têtj nem andu ndi. Mbu sôc malac dec ndi dom.”

Pita hoc Yisu ɲahu asê

(Mat 16:13-20; Luk 9:18-21)

²⁷ Tiŋambu Yisu ti ndê ɲgac-sêŋomi sêlhö bu sêtêtj
 malac ɲatô naŋ yêc kêpiŋj Sisaria-Pilipai sêndi.
 Sêŋsêlêtj sêmbo seŋj ma Yisu ndac ɲac bocdec bu,
 “Lau sêsôm bu aö asa?” ²⁸ Ma ɲac sêsôm têtj iŋj, “Lau
 ɲatô sêsôm bu am Jon, ɲgac Kêku Lau-ɲga, ma ɲatô
 sêsôm bu am Elaija, ma ɲatô sêsôm bu am propet
 akwa-kwa si daŋj.” ²⁹ Dec iŋj ndac ɲac, “Ma mac
 daôm, mac asôm bu aö asa?” Ma Pita ô iŋj awha ma
 sôm, “Am Mesaya dau.” ³⁰ Goc Yisu gic yao ɲac bu
 sêsôm iŋj asê têtj lau daŋj dom.

*Yisu sôm gwanan bu in oc hóc nandê
(Mat 16:21-23; Luk 9:22)*

³¹ Têñ têm dinan Yisu gic hu kêdôhôn nác pi gên nan oc hóc asê Namalac ndê Atu. In oc hóc nawapac daêsam, ma lau bata Israel-nga ti †dabuñsiga atu-tu ma lau nan sêndôhôn yomsu oc sêtec in. Lau oc sêndic in ndu, ma tiñambu bêc tö niñga su in oc tisa tiyham. ³² In sôm yom dinan yêc awê, dec Pita kôc in sa nasawa sauñ gi, ma sôm in. ³³ Magoc Yisu kac dau kwi, tahê ndê ngacsênomi ma sôm Pita bocdec bu, “Sadan, kôc daôm sa lhô su! Bu am kêyalê Anötö ndê lên dom, am bu êmkuc namalac si gauc nambwa.”

*Lau nan sênkuc Yisu oc sêhóc nawapac
(Mat 16:24-28; Luk 9:23-27)*

³⁴ Goc in mbwêc ndê ngac-sênomi ti lau daêsam nan sênkuc in, nan sêtên in sêmen, ma sôm tên nác, “Asa nan tac whin bu ênkuc aö, nan êngwiniñ dau ma hóc ndê a gicso dau sa, ma ênkuc aö. ³⁵ Bu asa nan tac whin bu sap gên nom-nga dön napan tu mbo tali-nga, nan oc niñga. Magoc asa nan bu hu gên nom-nga sin tu ênkuc aö-nga ma tu nawaeñ nayham-nga, nan oc niñga dom. ³⁶ Namalac dan bu po gên nom-nga hon sa, magoc in dau gatu bu niñga, dec gên nom-nga hon dinan oc tôm dom bu nem in sa. ³⁷ Bu gên nayham bocke yêc, nan gitôm bu dakên tên Anötö ô yac nen gatun?

³⁸ “Lau têm dindec-nga nác lau sac, ma sêpuc dômbwê Anötö ma sêsa si lên bambalin tôm lau mockain-nga. Asa nan kwahic dec maya tu aö ti

anəŋ yom-ŋga, naŋ Ŋamalac ndê Atu oc maya tu in-ŋga tēŋ ndoc ŋambu-ŋga naŋ in mbu meŋ ti Damba Anötö ndê ŋawasi, ma aŋela dabuŋ sêwhiŋ.”

9

¹ Ma in sôm tēŋ ŋac, “Yomandô aö wasôm tēŋ mac! Lau ŋatô kwahic dec sêmbö, naŋ oc gacgeŋ sêmbö tali e sêlic Anötö ndê göliŋ meŋ sa tiawê ma ti ŋaclai atu.”

*Pita, Jems ma Jon sêlic Yisu ndê ŋawasi
(Mat 17:1-13; Luk 9:28-36)*

² Bêc 6 giŋga su goc Yisu kôc Pita, Jems ma Jon sêwhiŋ in, ma ŋac tawasê sêpi lôc baliŋ daŋ si. Tēŋ tēm dinaŋ Yisu ndê ŋamlic kaiŋ daŋ sa, ma sêlic in ndê ŋawasi. ³ In ndê ŋakwê sêp sambuc ma ŋawasi atu, hóc gêlêc gēŋ sêsêp nom-ŋga hoŋ. ⁴ Ma sêlic Elaija lu Moses sêhoc dau asê, ma inlu sem yomgalôm sêwhiŋ Yisu. ⁵ Goc Pita sôm tēŋ Yisu, “Kêdôhônwaga, ŋayham kêlêc bu yac dambo lec. Yac oc akwê bac tö tu mac ambo-ŋga, am nem bac daŋ, Moses nde daŋ, ma Elaija ndê bac daŋ.” ⁶ Ŋgacsêŋomi tö dinaŋ sêtöc dau atu, ma bocdinaŋ Pita gêm gauc yom tu sôm-ŋga. ⁷ Tēŋ dinaŋ dao daŋ meŋ kêgatöc ŋac ahuc, ma awha daŋ sa yêc dao ŋalôm, naŋ sôm, “Aö neŋ atuŋgac dau dindec, naŋ aö atac whiŋ ndu andô. Anğô in ndê yom maŋ.” ⁸ Ma ŋagahô ŋac tahê gameŋ dau, ma sêlic bu Yisu tawasê mbo whiŋ ŋac.

*Gêndac pi Elaija
(Mat 17:10-13)*

⁹ Tiŋambu ŋac sêsip akêŋ lôc dau sêmeŋ, ma Yisu kêŋ yao bu sêsôm yom pi gēŋ naŋ sêlic yêc lôc, naŋ

asê dom e tòm Njomalac ndê Atu tisa akêŋ lau batê-ŋga. ¹⁰ Tu dinaŋ-ŋga ŋac sem yom dinaŋ ahuc yêc ŋac dau, magoc sem yomgalôm sêwhiŋ dandi ŋapaŋ pi gêŋ dau. Njahu bu Yisu ndê yom pi iŋ tisa akêŋ lau batê-ŋga, naŋ sêŋyalê njahu dom.

¹¹ Ma sêndac Yisu, “Lau Skraib naŋ sêndôhônŋ yomsu, naŋ sêsôm bu Elaija oc meŋ hôc asê muŋ, ma tiŋambu Mesaya oc meŋ. Yom dau njahu bocke?” ¹²⁻¹³ Ma Yisu sôm, “Elaija gic waê bu hôc asê muŋ Mesaya, bu êmasaŋ gêŋ hoŋ tisolop. Ma aô wasôm têŋ mac, bu Elaija meŋ hôc asê su. Ma lau sêkôm mêtê sac têŋ iŋ tòm ŋac atac whiŋ, tòm Anötö ndê yom naŋ sêto yêc gwananŋ su. Ma yom naŋ sêto yêc pi Njomalac ndê Atu naŋ sôm bu iŋ gic waê bu hôc ŋandê atu, ma lau oc sêpu iŋ ma sêtec iŋ. Mac aŋyalê yom dau njahu, me mba?”

*Yisu soc njalau sac su yêc balê danŋ
(Mat 17:14-21; Luk 9:37-43)*

¹⁴ Yisu ma ŋgacsêŋomi tö dinaŋ sêsip akêŋ lôc dau sêmeŋ ma sêlic bu kêdôhônŋwaga yomsu-ŋga ŋatô ma Yisu ndê ŋgacsêŋomi ŋatô sêsôm dau sêmbu, ma lau toŋ atu sêŋgihi ŋac ahuc. ¹⁵ Têŋ ndoc lau hoŋ dinaŋ sêlic Yisu naŋ sêhêdaê ŋandô, ma sênti sêtêŋ iŋ si ti sêhê mwalêc iŋ. ¹⁶ Ma Yisu ndac ŋac bu, “Mac asôm daôm pi yom bocke?” ¹⁷ Ma njomalac danŋ naŋ mbo lau toŋ atu njalôm, naŋ ô yom ma sôm, “Kêdôhônŋwaga, aô gakôc aneŋ balê dindec gamenŋ, bu njalau sac danŋ mbo iŋ njalôm ma kôm iŋ awha mba. ¹⁸ Têm ŋatô njalau sac dau kôc iŋ dôŋ ma tuc iŋ sip nom gi, kôm iŋ whapwic sa ma seŋ lhô, ma iŋ amba ti gahi ŋanŋa sa. Aô gandac am nem ŋgacsêŋomi bu sêsoc njalau dau su, magoc ŋac sêtôm

dom.” ¹⁹ Yisu ngô yom dau ma sôm, “O mac lau, aö gambo gawhin mac ñasawa hic baliñ su, ma bocke mac atôm dom bu akôm gêñ dan? Aö wambo wawhin mac ñapañ dom! Mac nem akêñ whin mbasi. Akôc balê dau sa amen.”

²⁰ Dec sêkôc balê dau sêtêñ Yisu sêmen, ma têtñ têtñ ñalau sac gêlic in, nañ ñagahô in kêmwanan balê dau ti ñanga, goc tuc in sip nom gi, ma in kêpi ti whapwic sa yêc nom. ²¹ G oc Yisu ndac balê dau ñadamba, “Ñalau sac kôm in bocdinañ tôm yala hinğa?” Ma damba sôm, “In mbo bocdinañ têtñ têtñ in balêkoc saun ñapañ e kwahic dec. ²² Ma ndoc daêsam ñalau sac dau tuc in peñ sip bu me sip ya, ma kôm bu ndic in ndu niñga. Tigen am bu nditôm, dec tamwalô alu ma nem alu sa.” ²³ Goc Yisu sôm têtñ in, “Bocke dec am sôm têtñ aö, ‘Am bu nditôm?’ Mac bu akêñ whin, dec gêñ honñ oc nditôm.” ²⁴ Ma ñagahô balê ñadamba ta yom ma sôm, “Aö gakêñ whin. Nem aö sa bu wakêñ whin ñanga.”

²⁵ Yisu gêlic bu lau daêsam sênti sêmen, dec hec yom ñalau sac ma sôm, “Am ñalau danğasun bic ma awha mba-ñga, aö wandic atu am bu hu balê dindéc sin, ma sôc in ñalôm tiyham dom!” ²⁶ Goc ñalau sac dau mbwêc asê ma kêmwanan balê dau ñalêñ sac, goc sa awê gi. Ma balê dau yêc gitôm ngac batê dan, dec lau daêsam sêsôm, “In mbac ndu su.” ²⁷ Tigen Yisu kêm in sip amba, keñ in sa, ma in tisa kalhac.

²⁸ Tinambu Yisu sôc andu dan gi, ma in ndê ngacsênomi sêndac in gelec, “Bocke dec yac atôm dom bu asoc ñalau dinañ su?” ²⁹ Ma in sôm, “Mac bu asoc ñalau kain dinañ su, nañ aten mbec ñanga. Ñalêñ dan mba.”

*Yisu sôm tiyham bu in oc mbac ndu ma tisa
(Mat 17:22-23; Luk 9:43-45)*

³⁰⁻³¹ Yisu ti ndê ngacsêjomi sêhu gameŋ dinan sinj, ma sênsêlêŋ sêmbo gameŋ Galili-ŋga. Yisu bu êndôhônj ñac têtj têtj dinan, dec tec bu lau sênyalê gameŋ nanj ñac sêmbo. Inj sôm têtj ñac, “Tinambu oc sêkêŋ Namalac ndê Atu sip lau ñatô amba. Ñac oc sêndic inj ndu, magoc têtj bêc tö niŋga su, inj oc tisa tiyham.” ³² Magoc ñac si gauc sa pi inj ndê yom dom, ma sêtöc dau bu sêndac inj pi yom dau ñahu.

*Asa ti ñamalac ñamata-ŋga?
(Mat 18:1-5; Luk 9:46-48)*

³³ Ñac sênsêlêŋ e sêhóc asê malac Kapenaom, goc si sêndöc andu danj. Ma Yisu ndac ñac, “Mac asenj daôm pi gêtj sake yêc senj?” ³⁴ Magoc ñac sem dôŋ, bu yêc senj ñac sem yomgalôm sêwhinj dandi pi ñac si asa inj ñgac ñamata-ŋga. ³⁵ Yisu ndöc sic ma ta ñgacsêjomi 12 sêtêŋ inj si, ma sôm têtj ñac, “A sa nanj bu ti ñamalac ñamata-ŋga yêc Anötö anğô-ŋga, nanj êŋgwiniŋ dau ti ñgac ñambu-ŋga, ma nem akiŋ lau honj.” ³⁶ Goc inj kôc balêkoc saun danj ma kêŋ inj kalhac ñac ñalhu. Ma inj kêgape inj ma sôm, ³⁷ “Asa nanj bu kôc balêkoc saun danj tôm inj dindec, nanj sa tu aö neŋ ñaê-ŋga, nanj gitôm inj kôc aö daun sa. Ma asa nanj kôc aö sa, nanj kôc aö tarwasêŋ sa dom, magoc kôc Damanj nanj kêkiŋ aö gameŋ, nanj sa bocdinanj.”

*Lau nanj sêkôm gwelenj tu Yisu-ŋga, nanj sêwhê dau
kôc dom
(Luk 9:49-50)*

³⁸ Têtj bêc danj Jon sôm têtj Yisu bu, “Kêdôhônjwaga, yac alic ñgac danj kôm gwelenj ma

soc ñalau sac su yêc lau ña am nem ñaê. Yac ac yao in, bu in kêkuc am whin yac dom.”³⁹ Magoc Yisu sôm, “Alhac in ahuc dom, bu ñamalac nan kôm gêñ dalô ña aneñ ñaê, nan gitôm dom bu kac ndê awha kwi ñagahô, ma sôm yom sac pi aô.”⁴⁰ Asa nan kêñ kisa yac dom, nan yac neñ dan. ⁴¹ Yomandô aô wasôm têñ mac bu asa nan kôm gêñ saun dan bu nem mac sa tu mac añkuc aô Kilisi-nga, gitôm in kêñ bu laclhu dan têñ mac anôm, nan Anötö oc êñlhin in sin dom. In oc kêñ ñagêyô ñayham têñ in.”

Puc pi lêtôm

(Mat 18:6-9; Luk 17:1-2)

⁴² Ma Yisu sôm, “Ñamalac dan bu tim balêkoc saun dan nan kêñ whin aô bu kôm mêtê sac, nan kôm giso atu. Oc ñayham bu dasô hoc atu dan pi in kachu, ma tambalin in sip gwêc ndi ñinga. Ma bocdinañ oc tôm dom bu in tim balêkoc dau, ma tinambu tap Anötö ndê matôc sa.

⁴³⁻⁴⁴ “Am amam bu kôm sac, nan tim kic. Am bu tap undambê sa, ma ndöc tamli ti amam gatuc, nan ñayham hôc gêlêc am kôm sac ña amam lu-lu e am sip ya lambwam-nga nan sa ñapan, nan ndi. ⁴⁵⁻⁴⁶ Ma gahim bu kôm sac, nan tim kic. A m bu tap undambê sa, ma ndöc tamli ti gahim gatuc, nan ñayham hôc gêlêc am kôm sac ti gahim lu-lu e Anötö tuc am sip ya lambwam-nga nan sa ñapan, nan ndi. ⁴⁷ Ma am nem tanôm bu kôm sac, nan kip sa. Am bu ndöc Anötö ndê gameñ undambê-nga ti tanôm tigen, nan ñayham hôc gêlêc am kôm sac ti tanôm lu-lu e Anötö tuc am sip lambwam ndi. ⁴⁸ Yêc gameñ dinañ lau oc sêhóc ñandê ñapan, tôm

yom nan Aisaya to yêc bocdec bu, ‘*Dombo oc mbac ndu dom, ma ya oc sa napanj.*’

49 “Bocdinañ ayob daôm tu lêtôm-nga, bu Anötö oc kêñ ya êmbô lau honj,* gitôm lau sêkêñ gwêc so pi wata tu bu yêc ñayham ñasawa baliñ. 50 Gwêc so dau inñ gêñ ñayham, magoc ñamakic bu niñga, oc dakôm ñamakic sa tiyham ñalêñ nde? Bocdinañ ambo lau nom-nga ñalôm atôm gwêc so, ma ambo awhiñ daôm ti yom malô.”

10

*Anötö tec bu awhê lu ñgac sêhu dau siñ
(Mat 19:1-12)*

1 Yisu ti ndê ñgacsêñomi sêhu gameñ dinañ siñ, ma sêtêñ gameñ Judia-nga si. Goc sêpi Bu Jordan ñadañga nan yêc têtñ gameñ ac pi-nga, nan si. Yêc gameñ dinañ lau daêsam sêkac sa tiyham ma sêtêñ inñ si, ma inñ kêkuc inñ ndê mêtê ma kêdôhônñ ñac.

2 Ma lau Palêsai ñatô sêmeñ ma bu sêtim Yisu, dec sêndac inñ bocdec bu, “Ñgac dañ bu hu ndê awhê siñ, nan oc êñgili yomsu, me mba?” 3 Ma Yisu ndac ñac ô, “Moses to yomsu bocke?” 4 Goc sêsôm, “Moses sôm bu ñgac dañ gitôm bu to bapia hu nawhê siñ-nga, goc hu ndê awhê siñ.” 5 Ma Yisu sôm, “Aêc. Moses to yomsu dinañ tu mac nem ñalôm ñadandi-nga. 6 Magoc têtñ têtñ Anötö kêñ undambê ti nom,

* **9:49:** Yom nan yêc ñabatiñ 49 nan ñahu yêc awê dom, magoc lau ñatô gauc gêm bocdec bu. Anötö tac whiñ bu lau sêkêñ whiñ Yisu-nga sêhu mêtê sac honj siñ ma sêsa lêtñ gitêñ eñ. Gêñ bocke nan bu lhac ñac ahuc tu sêtap gameñ undambê-nga sa, nan sêhu siñ tôm yom nan yêc ñabatiñ 43-47 whê sa. Ma Anötö oc kêñ ya êmbô lau gitôm lau sêpec gol ña ya tu bu ñadômbwi niñga ma gol ñawasi solop yêc.

nañ inñ kêmasañ ñamalac ñgac ti awhê. ⁷ Ma tu dinañ-ñga ‘ñgac dañ oc hu damba lu dinda siñ, ma sap inñ nawhê dôñ, ⁸ ma inñlu sêti gêñ tigen.’ Yom dau whê sa bu inñlu sêmbo sêtôm ñamalac lu dom, inñlu sêti gêñ tigen yêc Anötö anğô-ñga. ⁹ Bocdinañ yham dom andô bu ñamalac sêkac gêñ nañ Anötö dau kêñ pitigen, nañ su.”

¹⁰ Tinambu Yisu ti ndê ñgac-sêñomi sêndöc andu dañ, ma sêndac inñ pi yom dinañ ñahu. ¹¹ Ma inñ sôm, “Ñgac nañ hu inñ ndê awhê siñ ma gêm awhê wakuc, nañ kôm gêñ mockain-ñga têtñ inñ yêc Anötö anğô-ñga. ¹² Ma awhê nañ hu nakwen siñ ma gêm ñgac wakuc, nañ kôm gêñ mockain-ñga bocdinañ.”

Yisu gêm mbec balêkoc

(Mat 19:13-15; Luk 18:15-17)

¹³ Têtñ bêc dañ lau sêhoñ si balêkoc sêtêtñ Yisu si, bu inñ kêñ amba sac ñac. Magoc inñ ndê ñgac-sêñomi sêsôm dinda ti dambai. ¹⁴ Têtñ têtñ Yisu gêlic gêñ dau inñ tac ñandê, ma sôm têtñ ñac, “Atec balêkoc dinañ sêtêtñ aö sêmen. Alhac ñac ahuc dom, bu Anötö ndê gôliñ gic lau nañ sêtôm balêkoc saunñ dindec, nañ ñawaê. ¹⁵ Aö wasôm yomandô têtñ mac bu asa nañ bu sôc Anötö ndê gôliñ ñapu gitôm balêkoc saunñ dañ dom, nañ oc nditôm dom bu sôc ndi.” ¹⁶ Goc inñ kôc balêkoc dau sa ma kêgape ñac. Ma inñ kêñ amba sac ñac, ma gêm mbec ñac.

Ngac ti lêtôm

(Mat 19:16-22; Luk 18:18-23)

¹⁷ Yisu ti ma kêsêlêtñ mbo senñ whiñ ndê ñgacsêñomi. Ma ñgac dañ kêtñ menñ ma pônñ haduc yêc inñ anğô-ñga, ma ndac inñ bocdec bu, “Kêdôhônñwaga ñayham, aö wakôm bocke dec tinambu

Anötö oc kôc aö sa wandöc tanji napan.” ¹⁸ Goc Yisu sôm têtj inj, “Tu sake-nğa am sam aö bu nğayham? Anötö tigenj inj nğayham. ¹⁹ Am kêyalê yomsu nan Anötö kêj têtj Moses, ‘*Ndic nğamalac ndu dom. Kôm gêtj mockainj-nğa dom. Nem kanj gêtj dom. Sôm yom tasanj pi lau dom. Êmsau lau bu kôc nğac si gêtj dom,*’ ma ‘*Toc damam lu dinam sa.*’ ” ²⁰ Ma inj sôm, “Kêdôhônj-waga, aö kakuc yomsu honj dinanj, têtj ndoc aö gambo balê napan e kwahic dec.” ²¹ Yisu tahê inj ma tac whinj inj kêlêc. Ma inj sôm, “Gêtj tigenj yêc tu am kôm-nğa. Am ndi, kêj am nem gêtj honj têtj lau sênemlhi, ma kêj nğa-awa têtj lau nğalôm sawa. Ma bocdinanj am nem awa nğandô oc yêc undambê. Ma tinambu am mwej ma êmkuc aö.” ²² Magoc têtj têtj nğac dau nğô Yisu ndê yom dinanj inj wec, ma kôlhô ti nğalôm nğawapac gi. Nğahu bu inj nğac ti lêtôm.

Puc pi awa ti wapa

(Mat 19:23-30; Luk 18:24-30)

²³ Goc Yisu tahê lau honj, ma sôm têtj inj ndê nğacsênjomi, “Lau ti lêtôm si awa ti wapa kalhac nğac ahuc e gitôm dom bu sêsôc Anötö ndê gôlinj nğapu nğagahô.” ²⁴ Nğac sênğô inj ndê yom dinanj e sêhêdaê. Ma Yisu sôm têtj nğac tiyham, “O anej balêkoc atac whinj-nğa, nğamalac bu sêsôc Anötö ndê gôlinj nğapu, nanj gêtj sauñ dom. ²⁵ Bôc atu danj gitôm kamel, oc tôm bu sôc so nğalasê nğagahô, hóc gêtj nğac ti lêtôm danj bu sôc Anötö ndê gôlinj nğapu.” ²⁶ Yisu ndê nğac-sênjomi sênğô yom dinanj ma sêhêdaê nğandô. Ma sêsôm têtj dandi, “Bu bocdinanj dec asa oc tôm bu tap Anötö ndê mwasinj nem lau si-nğa sa? Oc nğawapac atu!” ²⁷ Yisu tahê nğac ma sôm, “Gêtj nanj

ɲamalac sêtom dom bu sêkôm, naɲ Anötö gitôm bu kôm, bu Anötö gitôm bu kôm gêɲ hoɲ.”

²⁸ Goc Pita sôm têtɲ inɲ, “Yac oc bocke? Yac ahu gêɲ hoɲ siɲ tu aɲkuc am-ɲga.” ²⁹ Ma Yisu ô yom ma sôm, “Aö wasôm yomandô têtɲ mac. Asa naɲ bu hu andu, me asidôwai, me lhuwêi, me dinda lu damba, me balêkoc, me nom siɲ tu aö-ɲga ma tu gwelenɲ ɲawaê ɲayham-ɲga, ³⁰ naɲ Anötö oc kêtɲ gêɲ kaiɲ dinaɲ daêsam têtɲ inɲ ô, têtɲ ndoc inɲ mbo nom. Ma inɲ oc tap kisa ti ɲawapac sa tu aö-ɲga whiɲ. Ma têtɲ têtɲ ɲambu-ɲga, Anötö oc kôc inɲ sa, ma kêtɲ inɲ ndöc tali ɲapaɲ yêc undambê. ³¹ Tigenɲ lau daêsam naɲ kwahic dec sêti lau ɲamata-ɲga, naɲ oc sêti lau ɲambu-ɲga, ma lau ɲambu-ɲga oc sêti lau ɲamata-ɲga.”

*Yisu sôm tiyham bu inɲ oc mbac ndu
(Mat 20:17-19; Luk 18:31-34)*

³² Yisu wê inɲ ndê ɲgacsêɲomi ma sêɲsêlêɲ sêmbo senɲ bu sêtêɲ Jerusalem sêndi. Inɲ ndê ɲgac-sêɲomi sêɲsêlêɲ ti sêhêdaê, ma lau ɲatô naɲ sêɲsêlêɲ sêwhiɲ ɲac, naɲ sêtöc dau.* Bocdinaɲ Yisu kôc ɲgacsêɲomi 12 sêsa si sêlhac dau-ɲga, ma sôm yom tiyham pi gêɲ naɲ oc hôc asê inɲ. ³³ Inɲ sôm, “Kwahic dec yac bu dapi malac Jerusalem dandi, ma ɲgac daɲ oc hoc ɲamalac ndê Atu asê ma kêtɲ inɲ sip dabuɲsiga atu-tu ti kêdôhônɲ-waga yomsu-ɲga amba. ɲac oc sêkic yom bu sêndic inɲ ndu, ma sêkêɲ inɲ sip lau Rom-ɲga amba. ³⁴ ɲac oc sêsu inɲ susu, sêhê gasôp pi inɲ, sêndic inɲ ɲamlic ɲandê ma sêndic inɲ

* **10:32:** Lau naɲ sêɲkuc Yisu naɲ sêhêdaê ti sêtöc dau, ɲahu bu ɲac gauc gêm yom naɲ Yisu sôm têtɲ ɲac su, pi gêɲ naɲ oc hôc asê inɲ têtɲ têtɲ inɲ bu pi Jerusalem ndi. Alic Mak 8:31; ma 9:30.

ndu. Magoc tiŋambu bêc tö niŋga su, goc iŋ oc tisa tiyham.”

*Jems lu Jon bu sêhóc gêlêc ŋgacsêŋomi ŋatô
(Mat 20:20-28)*

³⁵ Jems lu Jon, Sebedi ndê atunƣac lu, sêtêŋ Yisu si ma sêsôm, “Kêdôhônŋwaga, alu atac whiŋ gêŋ daŋ, ma bu andac am bu kôm gêŋ dau ŋandô sa.” ³⁶ Goc Yisu ndac, “Amlu atac whiŋ bu aô wakôm sake?” ³⁷ Ma sêsôm, “Alu atac whiŋ bu têŋ ndoc am ndöc nem pôn kiŋ-ŋga ti ŋawasi atu, naŋ am kêŋ alu andöc awhiŋ am, daŋ ndöc amam andô-ŋga ma daŋ ndöc gasê-ŋga.” ³⁸ Magoc Yisu ô yom ma sôm, “Amlu aŋyalê gêŋ naŋ amlu andac, naŋ dom. Amlu atôm bu anôm gêŋ sip laclhu ŋawapac-ŋga naŋ aô wanôm, a? Ma atôm bu aliŋ saŋgu† naŋ aô oc waliŋ, a?” ³⁹ Ma iŋlu sêsôm, “Aêc, alu atôm.” Goc Yisu sôm, “Yomandô! Amlu oc anôm gêŋ sip laclhu tôm aô wanôm, ma aliŋ saŋgu tôm naŋ aô waliŋ. ⁴⁰ Magoc aô dec oc waŋyaliŋ lau sa bu sêndöc aô amanŋ andô-ŋga ti amanŋ gasê-ŋga, naŋ dom. Anötö ti ŋadau bu êŋyaliŋ lau sa bu sêndöc dinaŋ.”

⁴¹ Têŋ ndoc ŋgacsêŋomi 10 sêŋgô yom dau ŋawaê, naŋ ŋac tac ŋandê têŋ Jems lu Jon. ⁴² Goc Yisu mbwêc ŋac sêtêŋ iŋ si, ma sôm, “Mac aŋyalê bu lau sambuc si gôliŋwaga sêtoc dau sa têŋ ŋac si lau, ma ŋac si lau bata sêŋgwiniŋ lau naŋ sêmbo ŋac ŋapu. ⁴³ Tigeŋ mac aŋkuc ŋac si mêtê dau dom. Mba! Mac nem asa bu ti ŋamalac tiwaê yêc Anötö aŋgô-ŋga, naŋ nem akiŋ mac. ⁴⁴ Aêc! Asa bu ti mac nem

† **10:38:** Yisu ndê yom pi laclhu naŋ iŋ oc nôm, ma saŋgu naŋ iŋ oc liŋ, naŋ ŋahu sip ŋawapac daêsam naŋ oc hóc asê iŋ.

ɲamalac ɲamata-ɲga, naɲ êɲgwiniɲ dau ma ti mac honɲ nem ɲgac akiɲ ɲambwa. ⁴⁵ ɲahu bu lêɲ dau ti aneɲ lêɲ. ɲamalac ndê Atu meɲ tu bu lau sênem akiɲ iɲ-ɲga dom. Mba. Iɲ meɲ bu nem akiɲ lau, ma bu kêɲ dau ti da bu nemlhi lau daêsam si sac ɲatôp.”

*Yisu kôm ɲgac tapec Batimeas ɲayham sa
(Mat 20:29-34; Luk 18:35-43)*

⁴⁶ Yisu ti ndê ɲgacsêɲomi sêɲsêlêɲ e sêhóc asê malac Jeriko, ma lau toɲ atu sêɲkuc ɲac. Têɲ ndoc ɲac bu sêhu Jeriko siɲ, naɲ sêtap ɲgac tapec daɲ sa, naɲ ndóc seɲ ɲamakê ma teɲ gêɲ. Iɲ Batimeas, ɲgac daɲ ɲaê Timeas ndê atunɲac. ⁴⁷ Têɲ têm iɲ ɲgô bu Yisu Nasaret-ɲga kêsêlêɲ mbo seɲ, naɲ gic hu mbwêc yom asê bocdec bu, “Yisu, †Dawid ndê Atu, tamwalô aö!” ⁴⁸ Goc lau daêsam sêhec yom iɲ ma sêsôm bu iɲ nem dôɲ. Magoc iɲ mbwêc ti ɲaɲga, “Dawid ndê Atu, tamwalô aö.” ⁴⁹ Yisu ɲgô ɲac si yom ma kwê dôɲ kalhac, goc sôm têtɲ lau, “Mac asôm têtɲ iɲ bu meɲ.” Goc sêta yom têtɲ ɲgac tapec dau ma sêsôm, “Tisa ti atac ɲayham! Iɲ ta am bu mweɲ.” ⁵⁰ Goc ɲgac dau kac ndê ɲakwê andô-ɲga baliɲ su yêc nom, ma tisa ɲagahô ma têtɲ Yisu gi. ⁵¹ Ma Yisu ndac iɲ, “Am tac whiɲ bu aö wakôm sake têtɲ am?” Ma ɲgac tapec dau sôm, “Kêdôhôn-waga, aö tac whiɲ bu tanônɲ ɲayham sa.” ⁵² Goc Yisu sôm, “Am ndi! Am nem kêɲ whiɲ aö dec kôm am ɲayham sa.” Ma ɲagahô iɲ tandô ɲawa sa, ma iɲ kêkuc Yisu mbo seɲ.

*Yisu sôc Jerusalem gi
(Mat 21:1-9; Luk 19:28-40; Jon 12:12-15)*

¹ Yisu ti ndê sêḅomi sêḅsêlêḅ sêḅêganôḅ Jerusalem e sêsuḅ sa malac Betani ma malac Betpagi yêc Lôc Olib. Goc Yisu kêkiḅ ndê ḅgacsêḅom lu, ² ma sôm têḅ iḅlu, “Asôc malac dindê andi, ma yêc dindê amlu oc atap donki daḅ sa, naḅ sêso dôḅ kalhac. Iḅ donki ḅatu wakuc, naḅ ḅamalac daḅ ndôc ḅahô muḅ su dom. Anḅapwêc su ma akôc sa amenḅ. ³ Ma lau bu sêḅdac amlu bu bocke ma amlu anḅapwêc donki dau, naḅ asôm têḅ ḅac bu, ‘Pômdau tac whiḅ bu donki dindêc nem iḅ sa ḅasawa sauḅ, goc iḅ oc kêḅ mbu meḅ.’ ”

⁴ Bocdinaḅ dec iḅlu sêso malac dau si ma sêtap donki daḅ sa, naḅ lau sêso dôḅ kalhac seḅ ḅadali k êpiḅ andu daḅ. Iḅlu bu sêḅgapwêc su, ⁵ ma lau ḅatô naḅ sêlhac sêḅpiḅ, naḅ sêḅdac iḅlu, “Amlu akôm sake, dec bu anḅapwêc donki dau su?” ⁶ Ma iḅlu sêso ḅac si yom tôm Yisu sôm têḅ iḅlu, dec sêḅu donki dau siḅ têḅ iḅlu. ⁷ Sêwê iḅ sa sêtêḅ Yisu si, ma sêḅu si ḅakwê awê-ḅga sac donki, goc Yisu pi gi ndôc ḅahô. ⁸ Ma lau daêsam sêḅê si ḅakwê yêc seḅ. Ma lau ḅatô sêḅêako a ḅalauḅ yêc seḅ ḅamakê ma sêkêḅ yêc seḅ. ⁹ Lau naḅ sêmuḅ Yisu ti lau naḅ sêḅkuc iḅ, naḅ sêḅbwêc “Hosana! Anôtô nem mbec ḅgac naḅ meḅ gêm Pômdau anḅô. ¹⁰ Anôtô nem mbec iḅ naḅ meḅ bu puc abaḅ Dawid ndê gôliḅ dôḅ. Hosana têḅ Anôtô lôlôc-ḅga.”

¹¹ Yisu hêc asê Jerusalem, goc sêc lôḅ dabuḅ ḅabatêḅndô gi, ma gêlic gêḅ sambob naḅ yêc dindê. Magoc ac gi su dec iḅ ti ndê ḅgacsêḅomi 12 sêḅbu sêsa malac Betani si bu sêyêc dindê.

Yisu pucbo a kiñ dañ
(Mat 21:18-19)

¹² Têñ bêbêc Yisu ti ndê ñgac-s êñomi sêhu Betani siñ ma sêñsêlêñ sêmbo señ, ma gêñ yô Yisu. ¹³ Inj gêlic a kiñ dañ nañ kalhac ahê, goc têtñ a dau gi. Têm dinañ inj têtñ nañ a kiñ sem ñandô dom, magoc Yisu gêlic bu a dinañ ñalauñ kêsôlô su dec kêtñ bata bu mboe kiñ ñandô oc sêñgalêñ. Magoc ñandô mbasi, inj tap ñalauñ ñambwa sa. ¹⁴ Goc inj pucbo a dau ma sôm, “Lau dañ oc sêneñ ñandô yêc a dindec tiyham dom.” Ma inj ndê ñgacsêñomi sêñgô yom dau.

Yisu soc lau su yêc lôm dabuñ
(Mat 21:12-17; Luk 19:45-46)

¹⁵ Yisu ti ndê sêñomi sêñsêlêñ si e sêhóc asê Jerusalem, ma sêtêñ lôm dabuñ si. Yêc lôm dabuñ ñabatêmdô lau sêtidulu gêñ ti semlhi gêñ sêmbo, ma Yisu gic hu soc ñac sêsa awê. Inj kac lau sêo mone-ñga si tebo sa, ma kac lau nañ sêyob balusi bu lau sênemlhi,* nañ si pôn sa whiñ. ¹⁶ Ma inj gic yao lau bu sêkôc wapa sêtidulu-ñga sôc lôm dabuñ ñagameñ tiyham dom. ¹⁷ Ma inj kêdôhôn lau ma sôm, “Sêto Anötö ndê yom yêc bocdec bu, ‘*Aö neñ andu gic waê bu lau akêtñ gameñ honj sêteñ mbec sêmbo-ñga.*’ Mac añyalê yom dau, ma bocke dec mac akôm Anötö ndê andu ti lau kañ si gameñ?”

¹⁸ Tiñambu dabuñsiga atu-tu ma lau nañ sêndôhôn yomsu, nañ sêñgô ñawaê pi gêñ nañ Yisu kôm, ma sêñyalê bu lau sambob sêhêdaê tu inj ndê yom-ñga. Tu dinañ-ñga dec sêtôc Yisu, ma

* **11:15:** Alic yom ñapu-ñga (footnote) yêc Mat 21:12.

sêḡsalê lêḡ bu sêḡdic iḡ ndu. ¹⁹ Yisu ti ndê ḡgac-sêḡnومي sêḡbo Jerusalem e ac gi sip, dec sêḡbu sêḡsa si.

*Yom pi lêḡ dakêḡ whiḡ ti daten mbec-ḡga
(Mat 21:20-22)*

²⁰ ḡḡalaḡsê bêbêc Yisu ti ndê ḡgacsêḡnومي sêḡsêlêḡ bu sêḡbu sêḡtêḡ Jerusalem sêḡdi, ma sêḡhêc asê a kiḡ naḡ Yisu pucbo. ḡac sêḡlic bu a dau mbac, ḡasaḡḡac ti ḡḡawakac hoḡ tibasô. ²¹ Ma Pita gauc gêm Yisu ndê yom, dec sôm têḡ iḡ, “Kêḡdôhêḡwaga, lic a kiḡ naḡ am pucbo, naḡ mbac su.” ²² Goc Yisu ô yom ma sôm têḡ ḡac, “Akêḡ whiḡ Anôtô. ²³ Aô wasôm yomandô têḡ mac, bu asa naḡ bu sôm têḡ lôc daḡ bu, ‘Puc daôm sa ma sip ḡwêc ḡalôm ndi,’ ma atac lu-lu dom magoc kêḡ whiḡ bu Anôtô oc kôm yom dau ḡandô sa, dec gêḡ dau oc ḡandô sa. ²⁴ Boc-dinaḡ aô bu wasôm têḡ mac bu gêḡ bocke naḡ mac bu atenḡ Anôtô bu kêḡ têḡ mac, naḡ akêḡ whiḡ bu mac akêc su, ma aô wasôm yom ḡandô, iḡ oc kêḡ têḡ mac. ²⁵⁻²⁶ Ma têḡ ndoc mac bu atenḡ mbec, ma bu gauc nem lau naḡ sêkôm sac têḡ mac, naḡ goc asuc ḡac si sac kwi. Ma mac nem Damam naḡ mbo undambê, oc suc mac nem sac kwi bocdinaḡ.”

*Gêḡdac pi Yisu ndê ḡḡalai ḡahu
(Mat 21:23-27; Luk 20:1-8)*

²⁷ Yisu ti iḡ ndê ḡgacsêḡnومي sêḡhêc asê malac Jerusalem tiyham ma sêḡtêḡ lôm dabuḡ si. Yisu kêsêlêḡ mbo lôm dabuḡ ḡabatêm-ndô, ma dabuḡsiga atu-tu ti kêḡdôhêḡwaga yomsu-ḡga ma lau bata sêḡḡasuc iḡ. ²⁸ Ma sêḡdac iḡ, “Am kêc ḡḡalai yêc nde, bu kôm gêḡ hoḡ naḡ am kôm? Asa

kêñ têt am?” ²⁹ Goc Yisu sôm têt ñac, “Gêñ ñamata-
 ñga aô wakêñ gêndac dan têt mac. Mac bu aô aneñ
 yom, dec wasôm aneñ ñac lai ñahu asê têt mac.
³⁰ Asa kêñ ñac lai têt Jon dec in kêku lau? Anötö kêñ
 ñac lai têt in, me mba? Asôm têt aô.”

³¹ Ñac sem yomgalôm pi Yisu ndê gêndac, ma
 sêsôm têt dau, “Yac bu dasôm bu Anötö kêñ ñac lai
 têt Jon, goc Yisu oc ndac yac, ‘Tu sake-ñga mac
 akêñ whiñ Jon dom?’ ³² Magoc yac bu dasôm
 bu Jon kêku lau kêkuc ñamalac nom-ñga si gauc
 ñambwa, goc lau oc sêlic yac sac.” Ñac sênjalê bu
 lau daêsam sêlic Jon bu propet dan, dec sêtöc dau.
³³ Bocdinañ sêsôm têt Yisu, “Yac añjalê dom.” Ma
 in sôm têt ñac, “Bocdinañ aô wasôm aneñ ñac lai
 ñahu asê têt mac dom.”

12

Yom gôlin pi lau sêyob ôm wain-ñga (Mat 21:33-46; Luk 20:9-19)

¹ Ma in gic hu yom gôlin dan ma sôm têt lau bata
 Israel-ñga dinañ, “Ngac dan sô ôm wain-ñga dan.
 In sô tuñ sa, kêmasañ gameñ tu lau sêmasañ wain
 ñakwi-ñga, ma kwê andu baliñ dan bu lau sêlhac ma
 sêtíp lau kan. Tiñambu in kêñ ôm dau têt lau ñatô
 sêyob, ma kölhö gi mbo gameñ dan. ² Têt têt sêndic
 wain ñandô sa-ñga, nañ ñadau kêkin ñgac akiñ dan
 têt lau sêyob ôm-ñga, tu bu sêkêñ wain ñandô ñatô
 têt in. ³ Tigeñ ñac sêlô in dôn, sic in ñamlic ñandê,
 ma sêkêñ in kölhö amba sawa gi. ⁴ Goc ñadau kêkin
 ñgac akiñ dan tiyham, tigeñ ñac sic in pi ñagôlôn,
 ma sêkôm mêtê sac têt in. ⁵ Tiñambu ñadau kêkin
 ñgac titö-ñga, magoc ñac sic in ndu. Ma in kêkin lau

daêsam tiyham, ma ñac sic ñatô ñamlic ñandê, ma sic ñatô ndu. ⁶ Tiñambu ñgac tigen mbo, nañ ñadau ndê atunğac, nañ in tac whin ndu andô. Goc ñadau kêkin ndê atu dau têt ñac gi, ma gauc gêm têt dau, ‘Lau nañ sêyob aneñ ôm, nañ oc sêtoc aneñ atunğac dindec sa.’ ⁷ Tigen têt têt ñadau ndê atu hóc asê, nañ lau sêyob ôm-ñga sêsôm têt dau, ‘Ñgac dinañ in ñadau ndê atunğac nañ oc wêkain ôm dindec ti ndê gêt lêngsêm. Bocdinañ dandic in ndu ma dakôc ôm dindec su ti yac neñ.’ ⁸ Ma sêkôc atunğac, sic in ndu ma sêtuc in sa awê gi.”

⁹ Goc Yisu ndac, “Mac gauc gêm bu ôm ñadau oc kôm sake têt lau nañ sêyob in ndê ôm? In oc meñ ma ndic ñac ndu, ma kêñ ôm dau têt lau ñatô sêyob. ¹⁰ Gauc nem yom nañ sêto yêc bocdec bu, ‘*Hoc nañ lau sêkwê andu-ñga sêtec, nañ kwahic ti hoc ñamata-ñga yêc andu dau.*’ ¹¹ *Pômdau kôm gêt dau, mayac alic ñayham.*’ Mac asam yom dau su, me?”

¹² Têt dinañ lau bata Israel-ñga sênjalê bu Yisu sôm yom gôlin dau hêganôn ñac, dec sênjalê lêt bu sêkôc in dôñ. Magoc sêtôc lau toñ atu nañ sêmbo sêwhin Yisu, ma tu dinañ-ñga sêhu in sin ma sêlhô si.

*Lau bu sêtim Yisu pi yom takis-ñga
(Mat 22:15-22; Luk 20:20-26)*

¹³ Tiñambu lau bata dinañ sênjalê lêt bu sêtim Yisu bu sôm yom so dañ. Ñac sênkin lau Palêsai ñatô sêwhin lau Israel-ñga ñatô nañ sêpuc Herod ma lau Rom-ñga si gôlin dôñ, nañ sêtêt Yisu si. ¹⁴ Ñac sêhóc asê in ma sêsôm, “Kêdôhôn-waga, yac añjalê bu am ñgac sôm yom ñandô-ñga. Am gauc gêm lau si waê dom, ma toc ñac hon sa ñalêt tigen.

Ma am kêdôhôn Anötö ndê lêt têt lau kêkuc yom nandô solop. Kwahic dec yac bu andac am bu in solop bu yac dakêt takis t êt †Sisa, me mba? Yac oc danemlhi takis, me mba?”

¹⁵ Yisu ngô yom dau, tigen in kêyalê bu nâc gauc gêm bu sêtîm in, dec sôm, “Tu sake-nga mac bu atim aô? Akôc mone silba dan ma atôc têt aô.” ¹⁶ Goc sêkêt mone dan têt in, ma in ndac nâc, “Asa ndê ngatu ti nâc yêc mone dindec?” Ma sêo yom ma sêsôm, “Sisa ndê.” ¹⁷ Dec Yisu sôm, “Bocdina atoc Sisa sa nâ gêt nan gic in nâwâ, ma atoc Anötö sa nâ gêt nan gic in nâwâ.” Nâc sêngô Yisu ndê yom dau, ma sêhêdâ tu in ndê gauc-nga.

Lau Sadiusi bu sêtîm Yisu pi yom datisa akêt lau batê-nga

(Mat 22:23-33; Luk 20:27-38)

¹⁸ Ma lau †Sadiusi natô sêtêt Yisu si, bu sêkêt gêndac dan têt in. Nâc lau Israel si ton dan, nan sêkêt whin dom bu lau batê oc sêtisa tiyham. ¹⁹ Ma nâc sêndac in bocdec bu, “Kêdôhônwaga, Moses to yac ney yomsu dan bocdec bu. Ngac dan bu ndê dôwa nem awhê sa ma bu mbac ndu ma balêkoc mbasi, nan ngac dau oc nem dôwa ndê awhê sawa, ma kwê balêkoc asê tu dôwa-nga. ²⁰ Têt ndoc dan asidôwai 7 sêmbo. Ngac namata-nga gêm awhê sa, magoc mbac ndu, ma balêkoc mba. ²¹ Goc in asi, ngac tilu-nga, gêm awhê sawa dau, magoc mbac ndu ma balêkoc mba. Ngac titô-nga bocdina, ²² ma asidôwa hale bocdina, hon sem awhê sawa dau sa, magoc sêmbac ndu, ma balêkoc mba. Ma tinambu awhê dau mbac ndu. ²³ Kwahic dec yac bu andac am bocdec bu. Lau batê bu sêtisa tôm

lau ñatô sêsôm, dec awhê dau oc ti asidôwa asa ndê awhê? Bu asidôwai 7 dinañ hoñ sem awhê tigen dinañ su têtñ ndoc sêmbo tali.”*

²⁴ Ma Yisu sôm têtñ ñac, “Mac akôc gauc so, bu mac aňyalê Anötö ndê yom ti inñ ndê ñaclai dom. ²⁵ Têtñ têtñ lau batê sêtisa, nañ lau oc sênem dau dom. Ñac oc sêmbo sêtôm aňela undambê-ñga. ²⁶ Ma yom dañ tiyham tôc asê bu lau batê oc sêtisa. Mac asam su yêc Moses ndê buku. Têtñ ndoc Moses gêlic ya golom a dañ, nañ Anötö sôm têtñ inñ bu, ‘*Aô Abraham ndê Anötö, Aisak ndê Anötö ma Jakob ndê Anötö.*’ ²⁷ Lau batê bu sêtisa dom, dec tu sake-ñga Anötö sam dau bu lau tö dinañ si Anötö? Inñ lau batê si Anötö dom, inñ lau tali si Anötö. Mac nem gauc inñ so sambuc.”

Yomsu ñamata-ñga

(Mat 22:34-40; Luk 10:25-28)

²⁸ Kêdôhônñwaga yomsu-ñga dañ kalhac whinñ lau nañ sêkênñ dañga Yisu ma lau Sadiusi si yom, ma inñ gêlic bu Yisu ô lau Sadiusi si yom ñapep. Bocdinañ inñ ndac Yisu, “Anötö ndê yomsu bocke ti yomsu ñamata-ñga?” ²⁹ Ma Yisu sôm, “Yomsu ñamata-ñga nañ hôc gêlêc yomsu hoñ nañ bocdec, ‘*Mac lau Israel-ñga aňgô! Pômdau yac neñ Anötö inñ Pômdau tigenñ.*’ ³⁰ *Atac whinñ Pômdau am nem Anötö ti am nem ñalôm sambuc, ti gatôm sambuc, ti gauc sambuc, ma ti licwalô sambuc.*’ ³¹ Ma yomsu tilu-ñga bocdec yêc, ‘*Atac whinñ lau meñpañ am-ñga, tôm am atac whinñ am daôm.*’ Yomsu lu dinañ sêhônç gêlêc yomsu hoñ su.”

* **12:23:** Lau Sadiusi gauc gêm bu ñac si gêndac dau tôc asê bu lau batê oc sêtisa tiyham dom.

³² Goc kédôhôngwaga yomsu-nga dau sôm têñ Yisu, “Kédôhôngwaga, am sôm solop. Yomandô, Anötö tigenj mbo, ma anötö ñandô dañ mbo dom. ³³ Ma yac bu atac whiñ A nötö ti neñ ñalôm sambuc, ti gauc sambuc, ma ti licwalô sambuc, ma yac bu atac whiñ lau meñpañ yac-nga tôm yac atac whiñ yac dañ, nañ hóc gêléc bu yac dakêñ wata ti da pi ya ndi, me bu dakêñ gêñ ñatô ti da.” ³⁴ Yisu gêlic bu ñgac dau ô yom ti gauc ñayham, dec sôm têñ in, “Êmkuc gauc ñayham dinañ dec am oc tôm bu mbo Anötö ndê gôliñ ñalôm.”

Yisu sôm yom dinañ, ma tiñambu lau sêtöc bu sêkêñ gêndac têñ in tiyham.

*Yisu kêsahê lau si gauc pi Mesaya
(Mat 22:41-46; Luk 20:41-44)*

³⁵ Yisu kédôhông lau mbo lôm dabuñ ñamakê, ma ndac ñac, “Bocke ma lau †Skraib sêsam Mesaya bu Dawid ndê Atu? ³⁶ Dawid dau hoc yom asê tôm Ñalau Dabuñ puc in dôñ, ma to yom pi Mesaya bocdec bu, ‘Anötö sôm têñ aneñ Pômdau, “Am ndöc aö amanñ andô-nga e nditôm aö wakêñ nem ñacyo sêsöc am gahim ñapu.” ’ ³⁷ Dawid dau sam Mesaya bu in ndê Pômdau, ma bocke dec lau sêsam in bu Dawid ndê Atu?” Ma lau honñ sêñgô Yisu ndê yom ti atac ñayham atu.

*Yisu ndê puc pi lau Skraib si mêtê sac
(Mat 23:1-7; Luk 20:45-47)*

³⁸ Ma Yisu kédôhông lau ma sôm, “Ayob daôm ñapep bu anjuc lau Skraib si gêbôm dom. Ñac sêsöc ñakwê baliñ ma sêñsêlêñ sêmbo malac lôm, bu ñac atac whiñ bu lau sêtöc ñac sa ma sêhê mwalêc ñac. ³⁹ Ñac atac whiñ bu sêndöc mala ñamata-nga yêc lôm

wê-nga, ma sêndöc lau tiwaê si mala têtj ndoc sênej mwasiñ. ⁴⁰ Yêc lau honj aŋgô-nga lau dau sênej mbec baliñ. Magoc têtj ndoc lau sêlic ñac dom, nañ sêñsau lauwhê sawa bu sêñgaho ñac si andu su. Anötö oc êmatôc ñac, ma kêtj ñagêyô sac sambuc têtj ñac.”

Awhê tuc danj kêtj da danje
(Luk 21:1-4)

⁴¹ Tiñambu Yisu ndöc sic ndöc lôm dabunj ñabatêmdö kêtjñ apa nañ lau sêkêtj si da sip-nga, ma tahê lau honj nañ sêkêtj si da sip apa dau. Lau ti lêtôm daêsam sêkêtj awa atu. ⁴² Tigenj awhê tuc ñalôm sawa danj meñ ma kêtj awa saunj lu gitôm wan toea lu sip apa da-nga. ⁴³ Goc Yisu ta ndê ñgac-sêñomi sêmeñ ma sôm, “Yomandô, aö wasôm têtj mac bu yêc Anötö aŋgô-nga awhê tuc ñalôm sawa dindec kêtj da nañ hóc gêtêc lau honj si da su. ⁴⁴ Nahu bu lau ti lêtôm honj sêkêtj si da, magoc ñac si awa daêsam gacgeñ yêc ñac-nga. Magoc awhê dindec inj awhê ñalôm sawa, ma inj kêtj ndê gêtj honj ti da.”

13

Yisu sôm yom pi lôm dabunj Jerusalem-nga
(Mat 24:1-2; Luk 21:5-6)

¹ Têtj ndoc Yisu bu hu lôm dabunj ñagamenj sinj, nañ inj ndê ñgacsêñom danj sôm têtj inj, “Kêdôhônwaga, lic hoc atu-tu ma andu ñayham kêtêc nañ sêkwê sa sêlhac dec.” ² Magoc Yisu ô yom ma sôm têtj inj, “Am lic andu atu-tu ti lôm dabunj dindec! Aö wasôm têtj am, bu tiñambu ñacyo oc

sêsej hoc atu-tu honj dindec su e hoc danj oc ndöc hoc danj ñahô tiyham dom.”

*Gêj wapac têm ñambu-ñga-ñga
(Mat 24:3-14; 10:17-22; Luk 21:7-19)*

³Ñac sêsa sêtêj Lôc Olib si, ma tiñambu Pita, Jems, Jon ma Andru tawasê sêtêj Yisu si ma sêndöc anjô têtj lôm dabuj yêc malac Jerusalem. Ma ñac sêndac inj bocdec bu, ⁴“Sôm têtj yac bu ñawapac nanj am sôm yom pi, nanj oc hóc asê Jerusalem têtj têm bocke, ma gêtj sake oc kêtj puc yac bu têm dau meñ kêtj?” ⁵Goc Yisu sôm têtj ñac, “Ayob daôm ñapep bu lau danj sêñsau mac dom. ⁶Bu lau daêsam oc sêmeñ sênem aö anjôj ma sêsôm, ‘Aö Mesaya daun dec,’ ma oc sêñsau lau daêsam. ⁷Ma têtj ndoc mac anjô ñawaê bu lau sic siñ têtj dau me sêmasañ dau tu sêndic siñ-ñga, nanj asö dom. Bu gêtj honj dinañ gic waê bu meñ sa, m agoc têm ñambu-ñga yêc dôj yêc. ⁸Kinj nom-ñga oc sêkêtj kisa dau, ma lau gameñ danj oc sêndic siñ têtj lau gameñ danj. Tiyhó oc nem yêc gameñ honj, ma tôbôm oc sa. Gêtj honj dinañ oc ndic hu ñawapac têm ñambu-ñga-ñga, gitôm awhê nanj kêsahê balêkoc tunj inj ma gêtj dau gic hu ñandê atu nanj inj oc hóc tu kóc balêkoc-ñga.

⁹⁻¹⁰“Gêtj ñamata-ñga lau oc sêhoc ñawaê ñayham asê têtj lau sambob, ma têtj dinañ têm ñambu-ñga oc meñ hóc asê. Ayob daôm ñapep. Lau oc sêwê mac atêtj lau sêmatóc yom-ñga andi, ma sêhi mac ña sö yêc lôm wê-ñga. Tu aö-ñga dec lau oc sêkêtj mac alhac gôliñwaga ti kinj anjô-ñga, magoc ndoc dinañ ti têm bu mac ahoc yom ñandô asê têtj ñac. ¹¹Têtj têm nanj sêkóc mac dôj ma sêwê mac atêtj lau sêmatóc mac-ñga andi, nanj ahêgo daôm tu yom

asôm-nga dom. Asôm yom nanj Anötö oc kênj têtj mac têtj ndoc dinanj, bu mac daôm oc asôm yom dom, Njalau Dabunj oc sôm.

¹² “Têtj ndoc njawapac-nga dinanj, lau nanj sêkênj whinj dom oc sêhoc si asidôwai sêkênj whinj aö-nga asê bu sêndic njac ndu, ma dambai oc sêkôm têtj atui boc-dinanj. Balêkoc oc sêli dau sa têtj damba ti dindai, ma sêkênj njac sêtêtj lau bu sêndic njac ndu.

¹³ Lau honj oc sêtec mac tu aö nenj njaê-nga. Magoc asa nanj bu lhac njanga ma hu aö sinj dom e ndê têtj pacndê, nanj oc tap Anötö ndê mwasiñ nem inj si-nga sa.”

*Njawapac gameñ Judia-nga
(Mat 24:15-28; Luk 21:20-24)*

¹⁴ “Gênj sac sambuc nanj oc kôm gameñ tisac, nanj lau oc sêkênj lhac gameñ nanj gic inj njawaê dom. (Asa nanj sam yom dindec, nanj kôc gauc njapep, bu njahu yêc sinj dau.) Mac lau asa nanj ambo gameñ Judia-nga ma alic gênj dau, nanj honj alhö api gameñ lôc-nga andi. ¹⁵ Alhö njagahô ma gauc nem mac nem gênj danj dom. Lau nanj sêñwhañ dau sêndöc andu njasactô, nanj sêsôc andu njalôm bu sêkôc si gênj danj tôhônj dom. ¹⁶ Ma njac nanj sêmbo ôm, nanj bocdinanj. Sêkac dau kwi bu sêkôc si gênj njatô dom.

¹⁷ Oyaê. Lauwhê tidaê, ma njac nanj sêkênj su têtj balêkoc, nanj oc sêtap njawapac atu sa têtj têtj dinanj.

¹⁸ Ateñ mbec bu gênj dinanj tap mac sa têtj ndoc uhô-nga dom. ¹⁹ Njahu bu njawapac njandô nanj bu sa têtj têtj dinanj, nanj oc hóc gêlêc njawapac honj nanj sêhóc asê nom têtj têtj nanj Anötö kênj undambê ti nom e kwahic dec, ma tijambu oc sa bocdinanj tijham dom. ²⁰ Magoc Pômdau oc kênj ndoc dinanj

tiapê tu bu nem lau nan in kêyalin sa su, nan sa-nga. Bu mba, goc lau hon oc sêninga.

²¹ “Têñ ndoc dinan ngac dan bu sôm têñ mac bu, ‘Alic, Mesaya dau dindê,’ me ‘Alic, Mesaya dau dindê,’ nan akêñ whin nac dom. ²² Lau nan sênsau bu nac Mesaya, ma propet tasan oc sêmen ma sêkôm gêñ dalô ti gêñ atu-tu bu sênsau lau. Ma nac oc sênsahê bu sêtim lau nan Anötö kêyalin nac sa, nan sêwhin. ²³ Aö gakêñ puc mac gwanan, ma bocdinan ayob daôm napep.”

*Namalac ndê Atu ndê bêc mbu men-nga
(Mat 24:29-36; Luk 21:25-33)*

²⁴ Ma Yisu sôm, “Ndoc nawapac-nga dinan oc pacndê, ma tinambu lau oc sêlic gêñ dalô atu-tu. Ac oc nem ganduc ma ayô oc nawê tiyham dom. ²⁵ Ma tata oc sêpen akêñ umbon, ma gêñ ti naclai nan sêlhac umbon oc wiwic sa. ²⁶ Ma tinambu lau oc sêlic Namalac ndê Atu men ndoc dao nahô ti ndê naclai ma nawasi atu. ²⁷ Ma in oc êñkin ndê anjela sêsa sêtên nom nabatin ti undambê nabatin hon sêndi, bu sêndic lau nan in kêyalin nac sa su, nan sa.

²⁸ “Gauc nem a lan. Têñ ndoc mac alic nalaun wakuc bu léc, nan mac anjalê bu ndoc ac-nga men kêpin. ²⁹ Ma bocdinan têñ ndoc mac alic gêñ nan aö gasôm yom pi, nan hóc asê, dec anjalê bu Namalac ndê Atu ndê bêc mbu men-nga men kêpin su, gitôm in men kalhac gatam. ³⁰ Yomandô! Lau têm dinan-nga oc sêninga dom e gêñ hon dinan hóc asê. ³¹ Undambê ti nom oc ninnga, magoc anen yom oc ninnga dom. Gêñ hon oc nandô sa tôm aö gasôm.”

*Lau dan sênyalê Yisu ndê bêc mbu meŋ-ŋga dom
(Mat 25:13-15)*

³² Ma Yisu sôm, “Lau dan sênyalê bêc me acgatu nanŋ Ŋamalac ndê Atu oc mbu meŋ, nanŋ dom. Anjela undambê-ŋga sênyalê dom, Anötö ndê Atu kêyalê dom, Damanŋ tawasê kêyalê. ³³ Bocdinaŋ anem ali ma ayob daôm ŋapep! Mac am gauc têm nanŋ bêc ŋambu-ŋga dau oc meŋ sa. ³⁴ Gitôm andu ŋadau danŋ nanŋ bu sa ndi lic gameŋ ŋatô. Inŋ hu ndê andu siŋ ma kêŋ inŋ ndê lau akinŋ sêwêkainŋ si gwelenŋ têtêtêŋ. Ma inŋ oc sôm têtêŋ ŋgac yob gatam-ŋga, bu inŋ nem ali ma tatiŋ gameŋ ŋapep e inŋ mbu meŋ. ³⁵ Bocdinaŋ anem ali, bu mac anjyalê ndoc nanŋ andu ŋadau oc mbu meŋ, nanŋ dom. Inŋ oc hôc asê têtêŋ telha me timaniŋhu, me dalec taŋ, me bêbêc ganduc, nanŋ mac anjyalê dom. ³⁶ Ayob daôm ŋapep, mboe inŋ oc mbu meŋ ŋagahô, ma tap mac sa ayêc bêc ayêc. ³⁷ Yom nanŋ aô gasôm têtêŋ mac, nanŋ dec wasôm têtêŋ lau honŋ bocdinaŋ. Anem ali!”

14

*Sêkic yom bu sêndic Yisu ndu
(Mat 26:1-5; Luk 22:1-2)*

¹ Lau Israel si †Mwasinŋ Pasowa ti †Mwasinŋ Bolom Yist Mba-ŋga ŋandoc meŋ kêpiŋ, ma bêc lu yêc dôŋ yêc. Ma dabuŋ-siga atu-tu ti lau nanŋ sêndôhônŋ yomsu-ŋga sêŋsalê lêtêŋ danŋ bu sêkôc Yisu dôŋ gelec ma sêndic inŋ ndu. ² Tigenŋ sêhêgo dau ma sêsôm, “Dakôm têtêŋ Mwasinŋ Pasowa-ŋga ŋandoc dom, mboe lau daêsam nanŋ sêmbô Jerusalem tu om atu Pasowa-ŋga, nanŋ oc sêlic ma sêli dau sa.”

Awhê danj gêm oso Yisu

(Mat 26:6-13; Luk 7:36-50; Jon 12:1-8)

³ Têñ tēm dinan̄ Yisu mbo malac Betani, ma gêñ gêñ ndöc whin̄ ngac dan̄ ñaê Saimon. Muñ-nga in̄ ngac ti gêmbac leprasi. Yisu ndöc tebo ma awhê dan̄ meñ, nan̄ kôc bu ñamalu ñayham ñaôli atu sip kac dan̄. In̄ kac gêñ dau sa, ma kêc gêñ malu dau pi Yisu ndê ñagôlôn. ⁴ Lau ñatô sêlic dec tac ñandê têtñ awhê dau, ma sêsôm, “Tu sake-nga in̄ kêyain̄ gêñ ñamalu dinan̄? ⁵ Gitôm bu dakêñ têtñ lau sênemlhi ma datap awa atu sa, ma dakêñ têtñ lau ñalôm sawa. Ñaôli dau oc hôc gêlêc ñaôli tu gwelen̄ yala sambuc-nga su.” Ma sêhec yom in̄ ñalêñ sac.

⁶ Magoc Yisu sôm, “Ahu in̄ sin̄ ma akêñ ñawapac têtñ in̄ dom. In̄ kôm gêñ ñayham solop têtñ aö. ⁷ Lau ñalôm sawa oc sêmbo sêwhin̄ mac ñapan̄, ma bocdinan̄ dec tēm bocke mac bu atac whin̄, nan̄ oc tôm bu mac anem ñac sa. Tigen̄ aö oc wambo wawhin̄ mac ñapan̄ dom. ⁸ Awhê dindéc gitôm bu êmwasiñ aö ñalêñ dinan̄, dec kôm. In̄ kêc gêñ ñamalu pi aö, dec tôm in̄ kêmasañ aö neñ ñamlic gwanañ tu sêñsuhun̄ aö-nga. ⁹ Yomandô aö wasôm têtñ mac, bu tiñambu lau oc sêhoc ñawaê ñayham asê yêc gameñ hon̄, ma têtñ dinan̄ ñac oc sêsôm yom pi awhê dindéc ma lau oc gauc nem in̄.”

Judas sôm tidôn̄ bu hoc Yisu asê

(Mat 26:14-16; Luk 22:3-6)

¹⁰ Têtñ ndoc dinan̄ Judas Iskeriot, ñgacsêñomi 12 si dan̄, têtñ dabun̄siga atu-tu gi ma sôm bu in̄ oc hoc Yisu asê têtñ ñac. ¹¹ Ñac sêngô in̄ ndê yom ti atac ñayham, ma sêsôm tidôn̄ bu sênemlhi in̄. Bocdinan̄ in̄ kêsalê lêtñ tu bu hoc Yisu asê-nga.

*Yisu ndê ngacsênomi sêmasaŋ Mwasinŋ Pasowa-nga
(Mat 26:17-19; Luk 22:7-13)*

¹² Têŋ Mwasinŋ Bolom Yist Mba-nga ŋabêc ŋamata-nga, bêc naŋ lau Israel-nga sic domba Pasowa-nga ndu, naŋ ngacsênomi sêsôm têtŋ Yisu bu, “Am tac whinŋ bu yac amasaŋ Mwasinŋ Pasowa bu am neŋ whinŋ yac-nga yêc nde?” ¹³ Dec Yisu kêkinŋ ndê ngacsênom lu ma sôm têtŋ inŋlu, “Asôc malac Jerusalem andi, ma amlu oc atap ngac daŋ sa naŋ kêbalaŋ bu lôŋ daŋ. Awhinŋ inŋ atêtŋ inŋ ndê ŋadau ndê andu andi. ¹⁴ Ma asôm têtŋ andu ŋadau, ‘Alu mba kêdôhônŋwaga ndac am tu andu ŋalôm ŋacleŋ-nga, bu inŋ ti ndê ngacsênomi bu sêneŋ Mwasinŋ Pasowa-nga yêc am nem andu.’ ¹⁵ Ma inŋ oc tôc ŋalôm atu daŋ yêc andu dau ŋahô-nga têtŋ amlu. Tebo ti gêtŋ hoŋ tu yac danenŋ Mwasinŋ Pasowa-nga yêc ŋalôm dau, goc amasaŋ gêtŋ yêc dinaŋ.” ¹⁶ Goc sênom lu dinaŋ sêsôc malac si, ma sêtap gêtŋ hoŋ sa tôm Yisu sôm su, ma sêmasaŋ Pasowa.

*Yisu sôm asê bu ngac daŋ oc hoc inŋ asê
(Mat 26:20-25; Luk 22:21-23)*

¹⁷ Têtŋ ac gi su Yisu ti ngacsênomi 12 sêtêtŋ andu dau si. ¹⁸ Ŋac sêndöc ti seŋ gêtŋ sêmbo, ma Yisu sôm, “Yomandô aö wasôm têtŋ mac, bu mac nem daŋ oc hoc aö asê. Ngac dau kwahic dec ndöc ma gêtŋ gêtŋ whinŋ aö.” ¹⁹ Yom dau kôm ŋac sêsö, ma ŋalôm ŋawapac atu, ma ŋac tigenŋ-tigenŋ sêsôm têtŋ inŋ, “Mboe aö, a? Mba!” ²⁰ Goc inŋ sôm têtŋ ŋac, “Ngac dau inŋ mac lau 12 nem daŋ, ma kwahic dec alu aŋ gêtŋ sip pele tigenŋ. ²¹ Gêtŋ dau oc ŋandô sa pi Ŋamalac ndê Atu, tôm yom naŋ sêto yêc. Tigenŋ ngac naŋ hoc aö

asê, nanj oc tap n̄awapac atu sa, ma tu dinan̄-nga in̄ dinda bu kôc in̄ dom, dec oc n̄ayham.”

Yisu gic hu Mwasin̄ Dabun̄
(Mat 26:26-29; Luk 22:15-20)

²² Têñ tēm n̄ac señ gēñ sēmbo, nanj Yisu kôc bolom, gēm mbec, pô kôc-kôc, ma gic sam tēñ n̄ac. Ma in̄ sôm, “Akôc sa loc, aö neñ n̄andô dau dindec.” ²³ Ma in̄ kôc laclhu wain-nga dan̄ ma gēm dan̄ge, goc kēñ tēñ n̄ac ma n̄ac hon̄ sênôm. ²⁴ In̄ sôm tēñ n̄ac, “Aö neñ dac wamatiñ pwac-nga dau dec, nanj wakêc sin̄ tu lau daêsam-nga. ²⁵ Yomandô aö wasôm tēñ mac bu aö oc wanôm wain tiyham dom e Daman̄ ndê gôlin̄ meñ sa tiawê, ma tēñ ndoc dinan̄ aö wanôm tiyham.”

²⁶ Tin̄ambu n̄ac sem wê dan̄, ma sêlhö sêsa sêtēñ Lôc Olib si.

Yisu sôm bu Pita oc sêc in̄ ahuc
(Mat 26:31-35; Luk 22:31-34)

²⁷ Ma Yisu sôm tēñ n̄ac, “Mac hon̄ oc ahu aö sin̄, tôm yom nanj sêto yêc bocdec bu, ‘Aö oc wasen̄ n̄gac yob domba-nga, ma domba oc sêlhö babalip.’ ²⁸ Magoc tin̄ambu aö watisa tiyham, ma wamun̄ mac watēñ gameñ Galili-nga wandi.” ²⁹ Dec Pita sôm tēñ in̄, “N̄ac hon̄ bu sêhu am sin̄, tigen̄ aö wahu am sin̄ dom.” ³⁰ Ma Yisu ô yom ma sôm, “Aö wasôm yomandô bu ôbwêc dau dindec am oc sêc aö ahuc tidim tö su, goc dalec oc tan̄ tidim lu-nga.” ³¹ Tigen̄ Pita sôm yom ti n̄anga, “Mba! Gitôm sêndic aö ndu wawhin̄ am, aö oc wasêc am ahuc dom.” Ma n̄ac hon̄ sêsôm yom kain̄ tigen̄.

*Yisu tenj mbec mbo ôm Getsemani
(Mat 26:36-46; Luk 22:39-46)*

³² Nac sêsa si e sêhóc asê ôm †olib-nga dan, ôm nanj sêsam bu Getsemani, ma Yisu sôm têj ndê ngacsêjomi, “Andöc dec ma aö watenj mbec.” ³³ Goc inj kôc Pita, Jems ma Jon sêwhinj inj si, ma sêhu ngacsêjomi njatô sinj. Têj ndoc dinanj Yisu ndê njalôm njawapac atu ma inj pô sim dau njandô. ³⁴ Inj sôm têj njac, “Aö nenj njalôm kêsahê njawapac atu, kêpinj bu oc wambac ndu. Mac andöc dec ma anem ali.” ³⁵ Goc inj hu njac sinj ma sa njasawa saunj gi. Inj hu dau sip nom gi ma tenj mbec, bu nditôm goc Anötö nem inj sa bu ênjêc têm hóc njandê-nga nanj oc hóc asê inj. ³⁶ Inj sôm, “Damanj, O Damanj, am gitôm bu kôm gêj honj. Kôc laclhu njawapac-ñ ga dindéc su yêc aö. Magoc êmkuc aö nenj atac whinj dom, kôm tôm am daôm nem atac whinj bu kôm.”

³⁷ Inj tenj mbec su, dec mbu gi ma tap sa bu ngacsêjomi sêyêc bêc sêyêc. Goc inj unj njac sa ma sôm têj Pita, “Saimon, bocke dec am yêc bêc? Am gitôm dom bu nem ali tôm acgatu njasawa tigenj, a?” ³⁸ A nem ali ma atenj mbec bu létôm tap mac sa dom. Mac nem gatôm licbalê, tigenj njamlic kwapac.”

³⁹ Goc Yisu sa gi, ma tenj mbec tigenj dinanj tiyham. ⁴⁰ Pacndê, goc inj mbu gi ma gêlic njac sêyêc bêc, bu njac tandô hê njac sa njandô. Ma njac sêpônnda yom tu sêsôm têj inj-nga. ⁴¹ Goc inj gi ma tenj mbec tidim tö-nga. Ma têj ndoc inj mbu têj njac tiyham, nanj inj sôm, “Tu sake-nga mac ayêc bêc ti anjwhanj daôm njapanj? Gitôm! Ndoc menj hóc asê su bu sêhoc Njamalac ndê Atu asê ma sêkêj inj sip lau sac amba.

42 Atisa ma dandi! Alic ngac nan hoc aö asê dec meṅ su.”

Sêkôc Yisu dôṅ

(Mat 26:47-56; Luk 22:47-53; Jon 18:3-11)

43 Yisu sôm yom dinaṅ mbo, ma Judas, ngacsêṅomi 12 si danṅ hóc asê whiṅ lau daêsam nanṅ sêhóc bienṅ ti siṅ. †Dabuṅsiga atu-tu ti kêdôhônṅwaga yomsu-ṅga ma lau bata sêṅkiṅ lau toṅ dinaṅ sêwhiṅ Judas sêmeṅ. 44 Judas kêṅ puc lau d au gwananṅ su, ma sôm, “Ngac nanṅ mac aṅsalê, nanṅ aö oc wanṅutô inṅ bu watôc inṅ asê têṅ mac. Akôc inṅ dôṅ ma akêṅ lau sêyob inṅ, goc awê inṅ sa andi.”

45 Bocdinaṅ têṅ ndoc Judas hóc asê, nanṅ inṅ têṅ Yisu solop gi ma sôm, “Kêdôhônṅwaga,” ma ṅgutô inṅ.

46 Dec lau nanṅ sêwhiṅ Judas, nanṅ sêkôc Yisu dôṅ.

47 Yisu ndê lau sêlhac sêmpinṅ inṅ, ma ṅac si danṅ puc ndê bienṅ sa ma pa dabuṅsiga atu ndê ngac akinṅ ndê danṅalaunṅ danṅ su.

48 Goc Yisu sôm, “Bocke dec mac akôc bienṅ ti gêṅ siṅ-ṅga ma asa amenṅ bu akôc aö dôṅ gitôm ngac kaṅ danṅ? 49 Tôm bêc honṅ aö gambo gawhiṅ mac ma kadôhônṅ lau yêc lôm dabuṅ ṅabatêṅndö, magoc mac akôc aö dôṅ dom. Tigeṅ gêṅ nanṅ mac akôm kwahic dec, nanṅ kôm Anötö ndê yom nanṅ sêto yêc, nanṅ ṅandô sa.”

50 Têṅ dinaṅ Yisu ndê lau honṅ sêhu inṅ siṅ ma sêlhö si. 51 Ngac batac danṅ kêkuc Yisu ma mbo whiṅ inṅ ti ndê lau têṅ ôbwêc dinaṅ, ma inṅ puc po ṅambwa. Lau siṅ bu sêlô inṅ dôṅ, 52 tigeṅ inṅ hu ndê po siṅ yêc ṅac si amba, ma kôlhö ṅamlic ṅambwa gi.

*Lau bata Israel-nga sêmatôc Yisu
(Mat 26:57-68; Luk 22:54-55, 63-71; Jon 18:12,
13, 19-24)*

⁵³ Dabuņsiga atu-tu Israel-nga, ti lau bata ma kêdôhônwaga yomsu-nga honj sêkac sa sêmbo dabuņsiga ņamata-nga ndê andu. Ma lau nanj sêkôc Yisu dônj sêwê inj sêtêj andu dau si. ⁵⁴ Pita kêsêlêj kêkuc Yisu mbo ahê, e gi sôc dabuņsiga ņamata-nga ndê andu ņatunlôm gi. Ma inj ndôc sic whinj lau sinj sêyob lôm dabuņ-nga ņatô ma kêsulu ya.

⁵⁵ Dabuņsiga atu-tu ma lau bata honj nanj sêndôc Sanedrin si tonj, nanj sêņsalê yom bu sêņgôlinj pi Yisu ma sêkêj inj sip lau Rom-nga amba bu sêndic inj ndu. Magoc sêtap yom danj sa dom. ⁵⁶ Bu lau daêsam sêtisa bu sêhoc yom tasanj asê pi Yisu, magoc ņac honj si yom so dau. ⁵⁷ Tinjambu lau ņatô sêtisa, ma sêkêj yom tasanj pi inj bocdec bu, ⁵⁸ “Yac anjgô ņgac dau sôm, ‘Lôm dabuņ nanj ņamalac sêkwê sa, nanj aô oc wasenj su. Ma têj bêc titô-nga aô oc wakwê andu wakuc danj sa, nanj gitôm andu nanj ņamalac sêkwê, nanj dom.’ ” ⁵⁹ Magoc ņac tigenj-tigenj si yom so dau tiyham.

⁶⁰ Goc dabuņsiga ņamata-nga tisa kalhac ņalhu, ma ndac Yisu, “Am ņgô yom dê sêņgôlinj pi am, me? Am bu ô yom, me mba?” ⁶¹ Tigenj Yisu gêm dau dônj ma ô yom dom. Goc dabuņsiga dau ndac inj tiyham, “Am Mesaya dau, Anötô Atunjgac, me mba?” ⁶² Ma Yisu sôm, “Aêc, aô daunj dindec. Ma tinjambu mac oc alic ņamalac ndê Atu ndôc Anötô ņaclai ņadau ndê amba andô-nga, ma sip mej ndôc dao ņahô.”

⁶³ Têj ndoc dabuņsiga ņamata-nga ņgô yom dinanj, nanj tac ņandê atu dec kêc dau ndê ņakwê

kic ma sôm, “Yac dapônnda yom dan tu tanğôliņ pi in-ņga dom. ⁶⁴ Yom nan in sôm pi dau, nan sac sambuc! Mac anğô su, ma mac gauc gêm bocke?” Ma ñac hoņ sêsôm pitigen bu in mbac ndu. ⁶⁵ Lau ñatô sêhu gasôp pi in. Ñac sêkic in tandô ahuc ña po, goc sêtap in ma sêsôm, “Am bu propet, nan sôm asê bu asa gic am.” Ma lau siņ-ņga sêkôc in sêsa si, ma sêhi in ña sô.

Pita sêc Yisu ahuc

(Mat 26:69-75; Luk 22:54-62; Jon 18:15-18, 25-27)

⁶⁶ Têņ têm dinaņ Pita mbo andu dau ñamakê, ma dabuņsiga ñamata-ņga ndê awhê akiņ dan kêsêlêņ meņ. ⁶⁷ In gêlic Pita kêsulu ya mbo, goc tahê in ma sôm, “Am ñgac nan kêkuc Yisu Nasaret-ņga whiņ.” ⁶⁸ Magoc Pita pa dau ma sôm, “Mba, aô kayalê am nem yom ñahu dom.” Dec in tisa gi kalhac kêpiņ tuņlôm ñagatam.

⁶⁹ Malô goc awhê akiņ dau gêlic in tiyham, ma sôm yom kaiņ tigen têņ lau nan sêlhac sêmpin, “Alic ñgac kêlê. In Yisu ndê lau si dan.” ⁷⁰ Magoc Pita pa dau tiyham. Ñasawa sauņ ma lau nan sêlhac dindê, nan sêsôm, “Am ñgac Galili-ņga. Yomandô, am ñac si dan.” ⁷¹ Magoc Pita sôm ti ñaņga, “Mba! Aô bu wasôm yom tasan, nan goc Anötô ndic aô. Aô kayalê ñgac nan mac asôm yom pi in, nan dom andô!” ⁷² Ma ñgahô dalec taņ tilu-ņga, dec Pita gauc gêm Yisu ndê yom bu in oc sêc in ahuc tidim tö su, goc dalec oc taņ tidim lu-ņga. Ma in taņ dau ndu-ndu.

15

Pailot kêsu Yisu

(Mat 27:11-26; Luk 23:2-3, 18-25; Jon 18:29-19:16)

¹ Têñ bêbêc ganduc, dabuñsiga atu-tu ti lau bata ma lau nañ sêndôhôn yomsu ti lau †Sanedrin-nga hon si ñalôm tigen tu gêñ bocke bu sêkôm têñ Yisu-nga. Goc sêsô in amba dôñ ma sêwê in sêtên Pailot si. ² Ma Pailot ndac in, “Am lau Israel-nga si kin, a?” Goc Yisu ô yom ma sôm, “Tôm nañ am daôm sôm.” ³ Têñ dinan dabuñsiga atu-tu sêngôlin yom daêsam pi in. ⁴ Dec Pailot ndac in tiyham, “Am oc ô ñac si yom, me mba? Ñac sêngôlin yom daêsam pi am.” ⁵ Tigen Yisu ô yom dom, dec Pailot hêdaê.

⁶⁻⁷ Têñ têm dinan ñac dan ndöc gapocwalô, nañ ndê ñaê Barabas. Muñ-nga lau ñatô sêli dau sa têñ lau Rom-nga nañ sem gôlin lau Israel-nga, ma sic lau ñatô ndu. Magoc lau Rom-nga sêkôc ñac dôñ ma sêkên ñac sêndöc gapocwalô. Ma Barabas in ñac si dan.

Tôm yala hon têñ ndoc lau Israel-nga si om atu Mwasin Pasowa-nga hôc asê, nañ Pailot kêkuc lêt dan bocdec bu. Lau Israel-nga oc sêndac ñac gapocwalô-nga dan, dec in oc êngapwêc in su têñ ñac. ⁸ Lau daêsam nañ sêkac dau sa têñ ndoc Pailot kêsahê Yisu, nañ sêndac in bu êngapwêc ñac gapocwalô-nga dan su ênkuc ñagôlin dinan. ⁹⁻¹⁰ Pailot kêyalê bu dabuñsiga atu-tu sem lêmun Yisu ñambwa, ma tu dinan-nga dec sêwê Yisu sêtên in sêmen. Bocdinan in gauc gêm bu êngapwêc Yisu su, dec

ndac ñac, “Mac atac whiñ bu aö wahu Kiñ Israel-nga siñ têtñ mac, me mba?” ¹¹ Tigen dabunsiğa atutu sênğalôm lau toñ atu dinañ e sêndac Pailot bu hu Barabas siñ têtñ ñac. ¹² Goc Pailot ndac ñac, “Bocdinañ aö oc wakôm sake têtñ ñğac dindec, nañ mac asam bu lau Israel-nga si Kiñ?” ¹³ Ma sêmbwêc, “Ndic in pi a gicso dau!” ¹⁴ Magoc Pailot ndac ñac, “Tu sake-nga? In kôm giso bocke?” Magoc sêmbwêc ti ñaŋga, “Ndic in pi a!”

¹⁵ Pailot bu kôm lau atac ñayham sa, dec gôlôc bu êngapwêc Barabas su têtñ ñac. Ma in kêkiñ Yisu têtñ lau siñ-nga bu sêhi in ña sô, ma sêndic in ndu pi a gicso dau.

*Lau siñ-nga sêsu Yisu susu
(Mat 27:27-31; Jon 19:2-3)*

¹⁶ Lau siñ-nga sêwê Yisu sêsa Pailot ndê andu ñamalacôm si, ma sêta yom bu lau siñ-nga hon sêkac sa. ¹⁷ Goc sêkêñ Yisu sôc ñakwê kokoc baliñ tôm kiñ sêsôc, ma sêwhê wac kêm ma sêkêñ in uñ gitôm sunsun. ¹⁸ Goc ñac sic hu sêmbwêc in, “Ei! Datoc lau Israel-nga si kiñ dindec sa mañ!” ¹⁹ Ma ñac sêkôc a dañ ma sic in pi ñagôlôn tidim daêsam, ma sêhê gasôp pi in. Sêpôn haduc têtñ in, ma sêñsau bu sêtoc in sa. ²⁰ Sêsu in susu pacndê, goc sêkôc ñakwê baliñ dinañ su, ma sêkêñ in sôc dau ndê ñakwê sa tiyham. Ma sêwê in sêsa malac Jerusalem ñamakê si, bu sêndic in ndu pi a gicso dau.

*Sic Yisu pi a gicso dau
(Mat 27:32-44; Luk 23:26-43; Jon 19:17-27)*

²¹ Lau siñ-nga sêwê Yisu sêmbo señ, ma ñğac dañ kêsêlêñ mbo señ akêñ gameñ ñamakê-nga meñ. Ma

sêkac in bu hôc Yisu ndê a gicso dau. Ngac dau ndê ñaê Saimon. In Aleksanda lu Rupas damba, ma in ndê malachu Sairin. ²² Sêwê Yisu sêsa si e sêhóc asê gameñ nañ sêsam bu Golgota. (Ñaê dau danem kwi bu ‘Gameñ Ñakêcyha-nga.’) ²³ Lau siñ-nga bu sêkêñ wain ti bu ñamakic têtñ Yisu nôm, magoc in tec. ²⁴ Bocdinañ sêhu siñ, ma sic in pi a gicso dau. Ma tiñambu sêwhê in ndê ñakwê kôc ma sêpuc gapoc bu sêlic asa oc kôc ñakwê bocke.

²⁵ Ñac sic in pi a gicso têtñ bêbêc, acgatu gitôm 9 kilok. ²⁶ Ma yom nañ lau bata Israel-nga sêñgôlin pi in, nañ sêto pi bapia dañ, nañ sôm, “Lau Israel-nga si Kiñ.” ²⁷⁻²⁸ Ñac sic ngac sac lu pi a gicso dau sêwhiñ, dañ kêgalêñ Yisu amba andô-nga, ma dañ kêgalêñ gasê-nga. ²⁹ Lau nañ sêñsêlêñ si sêmeñ, nañ sêndahiñ ñasu ma sêtañ bôlê Yisu. Sêsôm, “Ei. Am ngac nañ sôm bu señ lôm dabuñ su ma kwê sa tiyham tôm bêc tö. ³⁰ Dec sip akêñ a gicso dau mweñ, ma nem daôm sa!” ³¹ Ma dabuñsiga atu-tu ti kêdôhônwaga yomsu-nga bocdinañ sêsu in susu ma sêsôm têtñ dandi, “In gêm lau daêsam sa, tigen gitôm dom bu nem dau sa. ³² Yac bu alic Mesaya, lau Israel si kiñ dindec-nga, sip akêñ a gicso dau meñ, dec yac oc akêñ whiñ in.” Ma ngac lu nañ sic pi a gicso sêwhiñ Yisu, nañ sêsu in susu bocdinañ.

Yisu mbac ndu

(Mat 27:45-56; Luk 23:44-49; Jon 19:28-30)

³³ Têtñ ac kalhac lhu, ñasec atu gêm gameñ sambuc ahuc e acgatu gitôm 3 kilok telha-nga. ³⁴ Ma têtñ 3 kilok Yisu mbwêc awha atu, “Eloi, Eloi, lama sabaktani?” (Yom dau danem kwi bu, ‘Aö neñ Anötö, aö neñ Anötö, tu sake-nga am hu aö siñ?’)

³⁵ Lau naŋ sêlhac sêmpin, naŋ sêngô in ɲapep dom ma sêsôm, “Anğô, in ta propet Elaija.” ³⁶ Ma ɲgac daŋ kêtî gi kêŋ sôwam daŋ sip wain ɲamakic, ma sô dôŋ pi a baliŋ daŋ. Goc in puc pi Yisu whasuŋ bu in nôm ma sôm, “Dahu in siŋ ma dalic, Elaija oc sip meŋ ma kôc in su, me mba.”

³⁷ Têŋ têt dinan Yisu mbwêc awha atu ma mbac ndu. ³⁸ Ma têt dinan po baliŋ naŋ kêgalêŋ lôm dabuŋ ɲalôm, naŋ dau kic gi lu, kalhac ɲahô ma gi têt ɲapu-ɲga. ³⁹ Ma ɲgac bata siŋ-ɲga naŋ kalhac Yisu aŋgô-ɲga, naŋ gêlic in ndê mbac ndu ɲalêŋ, goc sôm, “Yomandô, ɲgac dindec in Anötö ndê Atu.”

⁴⁰ Lauwhê ɲatô sêlhac ahê ma sêlic gêŋ hoŋ dinan. Maria Magadala lu Maria naŋ Jems saun lu Joses dinda, ma Salome sêmbo sêwhin ɲac. ⁴¹ Muŋ-ɲga, têt têt Yisu mbo gameŋ Galili-ɲga, naŋ lauwhê dinan sêŋkuc in, ma sem akiŋ in. Ma lauwhê daêsam naŋ sêpi Jerusalem sêwhin Yisu, naŋ sêlhac sêwhin ɲac.

*Josep kêŋ Yisu ndê ɲamlan yêc hoc ɲasuŋ
(Mat 27:57-61; Luk 23:50-56; Jon 19:38-42)*

⁴² Bêc naŋ sic Yisu ndu, naŋ lau Israel-ɲga si bêc sêmasan dau tu Sabat-ɲga.* Bocdinan têt telha, ⁴³ ɲgac bata Israel-ɲga daŋ ɲaê Josep gauc gêm bu êŋsuhuŋ Yisu ɲamlan. Josep in ɲgac akêŋ malac Arimatiya-ɲga, ma in lau Sanedrin-ɲga si ɲgac ti-waê daŋ naŋ kêŋ bata Anötö ndê gôlin bu meŋ sa tiawê. In ndê ɲalôm pêŋ dôŋ, dec têt Pailot gi ma ndac Yisu ndê ɲamlan. ⁴⁴ Yom dau kôm Pailot

* **15:42:** Lau Israel sêsôm bu têt ndoc ac gi sip têt bêc naŋ muŋ bêc Sabat-ɲga, naŋ têt dau gic hu bêc Sabat-ɲga. Bocdinan ɲac bu sêŋsuhuŋ lau batê muŋ ac ndi sip.

sö, ñahu bu in kÿyalê dom bu Yisu mbac ndu su. Bocdinañ in ta lau siñ si ñgac bata ma ndac in bu Yisu mbac ndu su, me mba. ⁴⁵ In tap sa bu Yisu mbac ndu su, dec gôlôc tÿñ Josep bu kôc Yisu ndê ñamlañ sa ndi êñsuhun. ⁴⁶ Josep kôc po ñayham dañ nañ in gêmli muñ su, goc sa gi ma kôc Yisu su yêc a gicso dau, ma kêpañ in ahuc ña po dau. Ma in kôc in sa gi ma kêñ in yêc sêhôn nañ lau sêlêñ gwanañ su yêc hoc ñalôm. Goc in kêpi hoc dañ gi ndôc sê awha dau ahuc. ⁴⁷ Maria Magadala lu Joses dinda Maria sêlic Josep kêñ Yisu ndê ñamlañ yêc hocsun dinañ.

16

Yisu tisa

(Mat 28:1-10; Luk 24:1-12)

¹ Bêc Sabat-nga meñ gi su, goc Maria Magadala lu Jems dinda Maria, ma Salome semli gêñ malu bu sênem oso Yisu ndê ñamlañ. ² Têñ wake ñabêc ñamata-nga dinañ sêti tÿñ bêbêc ganduc bu sêtêñ sêhôn sêndi. Ac pi meñ su ma sêñsêlêñ sêmbo señ, ³ ma sêndac dandi, “Asa oc nem yac sa ma êmpi hoc nañ yêc sê awha, nañ su?” ⁴ Tiger sêhôn tandô sa, ma sêlic hoc atu dau yêc sê awha dom. ⁵ Bocdinañ dec sêsôc sêhôn ñalôm si. Sêlic ñgac batac dañ nañ sôc ñakwê sêsêp, ma ndôc andô-nga, dec sêsô ñandô. ⁶ Magoc ñgac dau sôm, “Asô dom. Mac añsalê Yisu Nasaret-nga, nañ sic in ndu pi a gicso dau. In yêc dec dom, in tisa su. Alic mala nañ sêkêñ in yêc, nañ sawa. ⁷ Magoc andi ma asôm tÿñ in ndê sêñomi ma tÿñ Pita bu in oc muñ mac tÿñ Galili ndi. Mac oc alic in yêc dindê, tôm yom nañ in sôm tÿñ mac muñ su nañ.” ⁸ Yom dinañ kôm awhê lu dau sêntitec ti

sêhêdaê ñandô. Sêsa akêñ sêhô, ma sêlhô sênti si. Magoc sêtöc dau dec sêsôm yom têtñ ñamalac danñ yêc señ dom.

⁹ Têtñ têtñ Yisu tisa têtñ Sonda bêbêc, inñ hoc dau asê ti-ñamata-ñga têtñ Maria Magadala, awhê nanñ muñ-ñga inñ soc ñalau sac 7 su yêc inñ ñalôm. ¹⁰ Ma Maria gi ma sôm asê têtñ lau nanñ sêñkuc Yisu, nanñ sêkôm danñgibo ti sêtañ sêmbo. ¹¹ Maria sôm têtñ ñac bu inñ gêlic Yisu ma inñ mbo tali tiyham. Magoc ñac sêkêñ whinñ dom.

¹² Tinambu Yisu ndê ñgac-sêñjom lu sêhu Jerusalem sinñ ma sêñsêlêñ sêmbo señ, ma Yisu hoc dau asê têtñ inñlu gitôm ñgac anğô batac danñ. ¹³ Dec inñlu sêmbo si ma sic miñ têtñ sêñjomi ñatô, magoc ñac sêkêñ whinñ inñlu dom bocdinañ.

Yisu kêtñ gwelenñ têtñ lau nanñ sêñkuc inñ

¹⁴ Tinambu ñgacsêñjomi 11 señ gêtñ sêmbo sêwhinñ dau, ma Yisu hoc dau asê têtñ ñac. Ma inñ sôm ñac tu ñac si ñalôm ñadandi-ñga, bu sêkêñ whinñ lau nanñ sêlic inñ têtñ ndoc inñ tisa su, nanñ dom. ¹⁵ Goc inñ sôm têtñ ñac, “Atôm nom ñagameñ sambob andi, ma ahoc ñawaê ñayham asê têtñ lau hoñ. ¹⁶ Lau nanñ sêkêñ whinñ ma sêlinñ sanğ, nanñ oc sêtap Anötö ndê mwasiñ nem ñac si-ñga sa. Magoc lau nanñ sêkêñ whinñ dom, nanñ oc sêtap inñ ndê matôc sa. ¹⁷ Ma Anötö oc kêtñ ñaclai têtñ lau nanñ sêkêñ whinñ, dec oc tôm bu sêkôm gêtñ dalô bocdec bu. ñac oc sêkôm gwelenñ sênem aô anğ, ma sêsoc ñalau sac su yêc lau. ñac oc sêsôm yom awha wakuc-ñga nanñ sêndôhônñ muñ su dom. ¹⁸ ñac bu sêkôc mboc sac sip ñac amba me sênôm bu ñamalac, dec oc kôm ñac

sêtisac dom. Ma ñac oc sêkêñ amba sac lau gêmbac, ma sêkôm ñac ñayham sa.”

¹⁹ Yisu sôm yom dinañ têñ ñac su, goc Anötö kôc iñ su yêc nom. Iñ pi undambê gi, ma ndöc Anötö ndê amba andô-ñga. ²⁰ Ma iñ ndê sêñomi sêsa si, ma sêhoc ñawaê ñayham asê yêc gameñ hon. Ma Pômdau mbo whiñ ñac, ma kêñ ñaclai têñ ñac bu sêkôm gêñ dalô atu-tu tu bu puc yom nañ sêhoc asê, nañ dôñ-ñga.

Anötö ndê Yom Lêṛsêṃ Wakuc
The New Testament in the Bukawa language of Papua
New Guinea
Nupela Testamen long tokples Bukawa long Niugini

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 21 Feb 2024 from source files dated 31 Aug 2023

545e5ca3-1e95-59e4-8380-93951e023cf7